ပ**အို**ဝ်းလိတ်လုံင်,စွစ်,လီတားအစွို, **လိတ်ရဲဉ်း( ၁၀** ) ဗွေးဗွန်ကော်ပိဒ

(ဝဠာစရိယ၊ အဂ္ဂမဟာဂုန္ထဝါစကပဏ္ဍိတ၊ အဂ္ဂမဟာပဏ္ဍိတ)
( နဲင်းငန်းတေားဗဟိုးဝွန်းဆောင်း )
စေန့ဂျမဂါက်သျှဉ်ကျိုက်
ဝေင်းသီးသင်း

တဲမ်း



ပအိုဝ်းလိတ်လုဲင် စွစ် လီတားအစွို လိတ်ရဲဦး (၁၀)

ဗွေးစင်ႏတန် ကောဝိဒ (ဓမ္မာစရိယ)

နဲင်းငန်းတေား ဗဟိုးသံဃားဝွန်းဆောင်း ဝေင်,နယ်းသီးသဲင်း တနယ်းလှမ်း ဆဲင်းရာ, ဇဝနာရာမလိတ်သွဉ်တွိုက် – ဝေင်,သီးသဲင်း

တဲမ်း

မေတ္တားတရာ

စ်ဦး	လိတ်ကတူးစဲဉ်ႏ	လိတ်မဲ့ငါ
IIC	ငေါဝ်းတယ်ႏအွဉ်	က
J۱۱	မေတ္တားဝိဂြိုလ်း + အဓိပ္ပါယ်း + တရားနမ်း	၁
۶II	မေတ္တားအစွန်ိုသတ္တိ	J
9۱۱	မေတ္တားယိုမႇ အခွေါင်ခံးသွတ်ႇ + ကဗျာ	9
၅။	မေတ္တာႏ ၃–မျို့	9
၆။	ပရိတ်တေား + အဓိပ္ပါယ်ႏ	၈
၇။	ကောရွစ်ကောနား အင်္ဂါး ၃–ပါႏ	9
ดแ	ကဟော်ႏဗာႏ ပရိတ်မေတ္တားအကျောင်ႏ	၁၁
၆။	မေတ္တားသုတ် ပါဠိ + အနက်	၁၄
II OC	မေတ္တားအကျို့ ၁ဝ–မျို့ + လင်္ကားပါ	၁၇
၁၁။	မေတ္တားအကျို, တမျို့ယင်း သွံစား	၂၀
၁၂။	ခါးလားပွါႏမေတ္တား ကျင်းရီးဗား ၁၅–ပါႏ	၂၆
၁၃။	ယေကေစိ ဂါးထား စတဲင် အဖွင်,	રિહ
၁၄။	မေတ္တာႏ ၄–ပါ,	၆၃
၁၅။	အနောဓိသပုဂ္ဂိုလ်ႏ ၅–မျို့	၆၃
၁၆။	ဩဓိသပုဂ္ဂိုလ်ႏ ၇–မျို့	၆၄
၁၇။	မေတ္တားပွါ,ပွုံးအလိုင်း ၅၂၈	ලිඉ
၁၈။	ငေါဝ်းရီလျူ,ခန်ႏ	၆၈
၁၉။	ငေါဝ်းရီလျူႏခန်ႏ အဖြေႏ	၇၀
၂၀။	ငေါ်ဝ်းရဲပ်နိုဂုံး	૧૨
၂၁။	ကျမ်ႇထျူ ငေါဝ်းရဲပ်ကဗျာ	79

နေင်း ၁၃၅၃–ဗား၊ နေင်းခွပ်ပွယ်မော့ နွဲ ကျောင် ဖါမြိုန်းကို ပအိုဝ်းလိတ်လုဲင် စွစ် လီတား ဗဟိုးသုံးယား ဆွုံးဖျတ်ချက်အလ နေင်း ၁၃၅၄–ဗား၊ ဗဟိုးသွဉ်တန် တား လိတ်ဘားသားတသာနှင် ထွာ "မေတ္တားတရာ,"ယိုသျူ ။

လိတ်ဘားသားတသာ မေတ္တားတရားယိုနှင်းတဲ့ ဗွေးစင်း တန်သီးသဲင်း ယံကတဲမ်းဖေးဖျင်သွော့အကျောင်း ဗွေးပေါင်းသံးဃား တေားမျတ် ဖေးအပ်တားဝွန်း နိုင်းနှင်းတဲင် သူရောင်းသူရေး တဲမ်းလွေးဖေးဗားယင်း မေတ္တားတရားယိုသူ။ ။

စွုမ်းဖြာ,ခိုမူး ကမဉ်ရောင်းချူးထာ,သားဖုံးနှဝ်, ထီးတေားခွို, ခွို, အားကွို,လွဒျား မျတ်မေတ္တားယို ပငါပရာ,နောဝ်,သျှ ။

ကွပ်နဝ်,မ, တဲႏွာဉ်းဗွေးဘုရားစိုး အွိုးစခါနဝ်,ကား ဗႏတ္တိုးစွဉ်း ဒျားယိုခါ အဝ်းထူးသွုံးလွေးလွ ဗုဒ္ဓဗွေးဘုရား ကသွဉ်သေးခါးဖေးဒါး ပရိတ်မေတ္တားယိုတဲင် ပရိတ်မေတ္တား အခရားယိုနဝ်း အဝ်းလိုးသေ နားငါး မရေးမရားနောဝ်းသျူ ။

မေတ္တားသုတ် ပရိတ်ပါဠိတေားယိုနှင်, အဝ်းရွစ်ပူးဇေားစွဉ်း ကီတဲ့ ''ပါဠိအင္ဝါယိုနှင်, အရို့ထမဲ့င်,၊ ပါဠိအပုဒ်နှင်,နှင်, အဓိပ္ပါယ်း ထန်း နှင်းမဲ့င်," ကရို့နှင်, တသေလို့တဝ်းသားတဲ့ အဝ်းဗေားထာ,။

ကွပ်နဝ်,မ, ဖေးနေးကသေနားဖပါ ပါဠိယင်တဲင် မေတ္တား သုတ်ပါဠိယို ဖေးအနက်၊ ပြန်းပအိုဝ်း၊ သျင်,နယ်အဓိပ္ပါယ်း ကျုံး စယ်းတဲမ်းလွေ, နှဲင်းနောဝ်,သူ ။

ဗွေးသံႏဃားသီးတွမ်း မော်ပုဂ္ဂိုလ်းသီးဖုံးနဝ်, အဝ်းလိုးထွား လျူလို့လို့အနက်ယင်၊ ပြန်းပအိုဝ်းယင်၊ အဓိပ္ပါယ်းယင် ဖုံးနဝ်<sub>း</sub>သျှု။ ဟော် ပါဠိ တဒါးတဝ်းသားဖုံးနဝ် တဲ့ ထွားလျှူရီးလွေ ငါ ပြန်းပအိုဝ်းတွမ်း အဓိပ္ပါယ်ႏနဝ် ငါတဲ့ မေတ္တားခရား သေနားနွောင် ဒျားနောဝ် သျှု ။

နဝ်းထျွမေ ထွားလျှူးချာယင်းသွော့ ပါဠိတွမ်းအနက်နဝ်းနော၊ ထွားလျူးဒါးဒါးခါ, မေတ္တားတရားယိုထျူတဲင် မဉ်းလွောက်းနား အုံ အဝ်းလွဉ်းနဝ်းခါ အကျိုးအီးအာ တကားမိုင်းကရိုးနဝ်း တပ်ရီ တဝ်းဝင်း မဲ့ နမ်းရင်း သေလွဉ်ဗားဒျားနောဝ်းသျှ ။

#### သွဉ်တန်းဆရား မေတ္တားကဗျာ

\* နီဗွေးဘုရား – ဟော်းခါး မေတ္တား လွောက်းနားသွုံးထူး – ခိုမူးနောဝ်းရား ဘေးရန်းစင်ကြောင်း – ခွးရောင်းလွေးဗား မျတ်မေတ္တား – ကုမ်းဒျား စျမ်းနီးဟာ ။

\* သွဉ်တန်းကိုရင်း – ခွန် နှင်း သံးဃား နေးထူးသွဉ်ဗား – မေတ္တားတရား ဒါးထွူသဲင်းချာ – လိုးအာတွက်တား မေတ္တားရောင်း – ယံတောင်း သွဉ်ငါငါ ။

\* ကသွဉ်ယိုရင်, – ခွန် နှင်, သံႏဃာႏ နမ်းသႏချမ်းသား – ယံဒါႏနှင်းရာ, သွဉ်တန်းသားလောင်း– လို့ကြောင်းစွဉ်းဒျာႏ ထွာဆရား – မေတ္တား ယောင်းပသာ ။

> စင်းတန် – သီးသဲင်း ၁၃၅၃–ဗား၊ ဒဲဉ်သီးလာဗွေ

#### ကတဲမ်း မေတ္တားတရားယိုနောဝ်း အားကျိုးတေား ထွားဗား ကျမ်းဂန်း လႉယိုဇုံးသူ ။

၁။ အင်္ဂုတ္တရ ပါဠိတောႏ

၂။ နိဒါနဝဂ္ဂ သုယုတ်ပါဠိတောႏ

၃။ ခုဒ္ဒကပါဌ အဋ္ဌကထာ

၄။ သုတ္တနိပါတ အဋ္ဌကထာ

ရျ၊ ဝိသုဒ္ဓိမဂ္ဂ အဋ္ဌကထာ

၆။ သပြေကန် ပရိတ်ကြီး နိဿယသစ်

၇။ မြင်းခြံကိုးဆောင်မှု ပရိတ်တော်ကြီး နိဿယသစ်

၈။ မေတ္တာဖွင့် အကျယ်လက်စွဲကျမ်း

(အဂ္ဂမဟာပဏ္ဍိတ – စံကျောင်းဆရာတော်ဘုရားကြီး)

၉။ ဓမ္မဗျူဟာ အတွဲ (၁၉) အမှတ် (၄) ။

နေမော တဿ ဘဂဝတော အရဟတော သမ္မာသမ္ဗုဒ္ဓဿ ။

မေတ္တား – ဝိဂြိုဟ်ႏ မဇ္ဇတီတိ – မေတ္တာ

(အနက်) ယာဓမ္မဇာတိ – တရားသဘော်ႏမိုင်း တရိုးတဝ်း၊ မဇ္ဇတိ – ရက်ပဲင်းဒါးနောဝ်းသျူ၊ ဣတိ(တသ္မာ) – ကွပ်ပွိုးနောဝ်းမး၊ သာဓမ္မဇာတိ – တရားသဘော်ႏနဝ်းနဝ်း၊ မေတ္တာ – မဉ်းမေတ္တား နဝ်းသျူ။

#### မေတ္တားအဓိပ္ပါယ်ႏ

ကွပ်ပွိုးရက်ပဲင် ဒါႏနဝ် မေ ဟဲ့ ဗား "မေတ္တား" နဝ် သျှ ။

### မေတ္တားတရာႏနမ်း

မေတ္တားတရာႏနမ်းနဝ်ႏ ထူးဗား "အဒေါသ"(စေတသိက်) နောဝ်ႏသျှ ။

အဒေါသ ကရို့နောဝ်, –

ဒေါသ – သႏခိုး၊ သႏလျား၊ သႏထန်း၊ သႏကျုံံထံ၊၊

အ – မွေးတောဝ်း၊

အဒေါသ – သႏုခိုး၊ သႏုလျား၊ သႏထန်း၊ သႏုကျုံံံံထံံံ မွေးတဝ်း၊ သႏရောင်း၊ သႏုချူး၊ သႏွာ၊ သႏုစုံ၊ သႏုရက်၊ သႏုပဲင်ႏ စတဲင် နိုင်းနောဝ်ႏဖုံးသွူ ။ (J)

### ဗွန်ပီလို့ချား အဒေါသ – ချား လွဉ်းလွဉ်း

မေတ္တားတွမ်း အဒေါသ (စေတသိက်)နဝိ, ဗွန်ဗွန်လို့ဝင်,၊ မေတ္တားတဲ့ အဒေါသ၊ အဒေါသတဲ့ မေတ္တား ပီပီဒျားလို့ဝင်,နဝ်,သျူ။ "မေတ္တာ ဗြဟ္မဝိဟာရ" ကရို,နဝ်,တဲ့နဝ်,၊ "မေတ္တား ဗြဟ္မ စိုရ်ႏ" ကရို,နဝ်,တဲ့နဝ်,၊ "ဗြဟ္မစိုရ်ႏတရာ," ကရို,နဝ်,တဲ့နဝ်, တရာ, နမ်းနဝ်, "အဒေါသ"ဒျား (မေတ္တားဖုံး) လွဉ်းလွဉ်းနောဝ်,သျူ ။

# မေတ္တားအစွန်ို့သတ္တိ

ဖေးကထွာ "သိုးလွောင်း"နောဝ်, စွိုင်ခါ,ဗားတွမ်းသွီး၊ ပေါး သွီးနောဝ်, တထဲ့တဝ်း တစေတဝ်းတဲ့ သိုးလွောင်းနောဝ်,တဲ့ တလီ နွောင်,တဝ်း ။

ဥပမား – နိုင်းနဝ်,နေနေ လို,အမျိုးမိုင်းတရိုးတင်း၊ အစွိုးအ မျိုးမိုင်း တရိုးတင်း၊ ဒုံမိုင်းတရိုးတင်း၊ ခမ်းမိုင်းတရိုးတင်း၊ နိုင်းငန်း မိုင်းတရိုးတင်း၊ "မေတ္တားသွီး"ယို ပေါးအဝ်းစွိုင်ခါး တဉ်းတဉ်းခွေါင် ခွေါင်နဝ်းတဲး မိုင်းခါစွဉ်းတဲ့ တလီနွောင်းတင်း၊ တကိုင်နွောင်းတင်း၊ တထိုးမားနွောင်းတင်းနဝ်းသွူ ။

သွီးတစွိုင်ခါ,တဝ်း သိုးဖုံး၊ သွီးကစေထိုလဲဉ်း သိုးဖုံးနောဝ်, တဒွေါ့,နီကျို့တဲ့ ဟဝ်၊ ဆေးနီခေါဝ်တဲ့ ယိုးပေးလျှမ်း ။

ဥပမား – နဲုင်းနဝ်းနေနေ မေတ္တားသွီး တစ္ပိုင်ခါးတင်းလိုးဖုံး၊ မေတ္တားသွီး ကစေထိုးလဲဉ်းလိုးဖုံးနဝ်း ယားထိုးအအားတဲ့ဟဝ်၊ မားပႏနီခေါင်တဲ့ ယိုးပေးလျှမ်းနောဝ်းသူ ။

# မေတ္တားတရားယိုမ, အခွေါင်ခံးသွတ်,

ကမာႏတဉ်းခွေါင်အီဒါး ဝါးသာ၊ တဖြီးသီးဖုံး အမျိုးနှင့် အဖြင်းဒါး။ မဲုင်းနား၊ ဝက်အူသီးဖုံး အမျိုးနှင်းတဲ့ အရော်ဒါး၊ ဟံးဘိလတ်၊ ထွန်သီး အမျိုးနှင်းတဲ့ အစွိုတ်းဒါး၊ ကွယ်းတွော့ မေတ္တား တရားအမျိုးနှင်း အဖြင်းဒါးတင်း၊ အရော်ဒါးတင်း၊ အ စွိုတ်းဒါးတင်းနှင်းသျှု၊ ကွပ်နှင်းမဲး ပေါးမေတ္တား အောင်းတသေး တနားတဲ့ အကျိုးတဲ့ အောင်းဖေး တသေးတနားချားနှင်းသျှု ။ ပွိုးနှင်းမဲး ထားရား ကမားတဉ်းခွေါင်ဒါး၊ ထားရား ကမား ရောင်းချူးဒါး ထားရားအမျိုးအမျိုးအကို 'မေတ္တား'ယိုနောင်း ထွာ

#### မေတ္တားကဗျာ

အခွေါင်ခံႏသွတ်,နောဝ်,သျှ ။

\* မဇ္ဇတီတိ – ပါဠိဝိဂြိုလ်ႏ ပွိုးရက်ပဲင်ႏဒါႏ – မေတ္တားဖန်ရို, ထူးအဒေါသ – ကာယ အလိုႏ တနယ်ႏနော – ဟဲ့ႏတော ဗြဟ္မစိုရ်ႏ ။

သိုးလွောင်းယံထွာ – နောဝ် ခါမာ ဗား
 အွဉ်းခြပ်ဟဝ်ညီး – တွမ်းသွီးစွိုင်ခါ,
 ပေါးသွီးခွေါင်လဲ့ – သိုးတဲ့ခွေါင်ချား
 သိုးအလွောင်း – လွဉ်ခွေါင်း လီတဝ်းခြာ ။

#### (၄) မေတ္တားတရား

ဗွန်ပီနောဝ်,နေ – နယ်ထေခွိုင်,ဗာႏ
 စွိုးခွို,မိုင်,ယောဝ်း – တဲ့,ခေါဝ်းခွေနာ,
 သွီးမေတ္တားမျတ် – စွိုင်ပတ်သေးချား
 စွိုင်နောဝ်,စား – ဝင်,ယား မလီလာ ။

ဆိုးလွောင်းလီလာ – နဝ် ခါလွင်းပြား
 ဗျင်းထို့ခွါဆေး – ယို ပေးဝင် မာ နီလို ချင် ချင် – မဉ်းကင် မေတ္တား
 ဝင် ယားဆေး – ယို ပေး နီ ခေါ ဝ်ထွာ ။

တြီးဝါးသာ – ဖြင်းငါလွေ,ဒါႏ
 မေတ္တားတရင်း – လွစ်ဖြင်းလာ,လာ,
 ပေါးမေတ္တားထွာ – ကျို့အာလွေ,ဒျာႏ
 စိုးတသက် – တို့တက် ရှူးငါငါ ။

\* \* \* \* \* \* \* \* \* \* \* \* \*

#### မေတ္တား ၃–မျို့

၁။ ကာယကမ်းမေတ္တား ( နမ်းမေတ္တား ) ၂။ ဝစီးကမ်းမေတ္တား ( ဖြောင်းမေတ္တား ) ၃။ မနော်ႏကမ်းမေတ္တား ( သႏမေတ္တား ) အဝ်း ၃–မျိုး နှဲင်းနဝ်ႏသျှ ။

ကာယကမ်းမေတ္တား ကရို့နဝို – ကရက်တွမ်းနမ်း (ကမာ့ ချမ့်သားဖေးဝင်းတွမ်းနမ်း)နဝို ဟဲ့ "ကာယကမ်းမေတ္တား"နဝ်းသျှ။ တယ်းစွဉ်း ကအုံသန္ဓေး၊ မွိုးဗွေးဆင်အီ၊ ခံးသီစွဉ်းသက်၊ ပိုရက်လျူးလွင်း၊ ယွော့ဖင်လွမ်ဗီ၊ နျမ်းတရီဆီးအေး၊ မွိုးဗွေးမဒေါ့၊ သော့တွေစူထွား၊ အွဉ်းနဲဉ်းဗား ဖေးအံး၊ မွိုးဗွေးကခံးယပ်, စတင် နှင်းနဝ်းဖုံးနဝ်း ထွာ "ကာယကမ်းမေတ္တား"ဖုံးချားနဝ်းသျှ ။

ပိုမူးဖေးကထင်းထို၊ ပိုခိုဖေးကထင်းတသွောင်းတဲင် ခမ်းမဉ် လော့လော့၊ ယာမဉ်ခိုးခိုး၊ မဉ်ရွိုးရွိုး၊ မဉ်ယပ်းယပ်း၊ သႏစပ်းပိုပေး၊ ဖါဗွေးတဖြား ကကျိုးစား၊ ကထုမ်းကျုံး၊ အအံးအအွး၊ အကွဉ်အကႏ စတဲင် နိုင်းနှဝ်းဖုံးနှဝ်း ထွာ "ကာယကမ်းမေတ္တား"ဖုံးချားနှဝ်းသူ။။

ပိုခို ရတနားတူး၊ ပိုမူး ရတနားခြုံးသီးဖုံး သေခွိုန်းဖါကေးဇူး အစွိုးစွိုး၊ သေချာမွိုးကေးဇူး အဒေါင်းဒေါင်းတဲင် ဖါအတွက်ခံးအ ရွိုး၊ မွိုးအတား ခံးအယပ်း၊ ဖါအတွက် ကမားဖေးအစွိုးစွိုး၊ မွိုး အတား ကမားဖေး အမျိုးမျိုးဖုံးနင်းတဲ့ ထွာ "ကာယကမ်းမေတ္တား" ဖုံးချားနင်းသူ ။ အဝ်းထီး ဝင်းစွဲးထျူးထားတင် လေားလွေးစွဲးကို ယျွတ်ကိုတဲ့ နောဝ်း၊ ထီးဝင်းမားထားရြိုးငါး ယပ်းငါးတင် လေားလွေးချမ်မားကို တဲ့နောဝ်း၊ လွေးတရူး , ထုမ်းကား , ထုမ်းရထားတွင်း ထီးလိုးဆာ၊ ထီးလိုးဖြား ထီးလိုးမူး အဝ်းနမ်းလောင်း ထီးလိုးမူးပိုပေးသား၊ ထီးနီလိုးတန်၊ ထီးသံးဃားလိုးကျောင်းစတဲင် ပုဂ္ဂိုလ်းနှင်းနဝ်းဖုံး လေ့တဝ်း ခင်းလမ်းတဲင် (ခိုဗင်းယွဲး၊ ပိုပါယွဲးသီးဖုံး) ကဖေးတော ဝွေးခင်းလမ်းဖုံးတဲ့နဝ်း၊ ပါးတြား လင်းခြို့ထား၊ လင်းထဲ့ထားတင် လေားလွေး စွီးထွိုင်းကို , စိမ်းဖေးကို , တွမ်ဖေးကိုအခြုံး စတင် နှင်းနဝ်းတဲ့နဝ်း၊ ကစိမ်း(ကယမ်း)ဖေးဒါး ဆရားမွိုးပါ စတင် နှမ်းဆင်းရား ကမားချမ်းသားဖေးဝင်းဖုံးတဲ့ ထွာ "ကာယကမ်း မေတ္တား"ဖုံးချားနဝ်းသူ။

မဉ်ႏဒေါ့,ဗာႏ အအဲဉ်းသွတ်,နဝ်, ထာ,ရက်မေတ္တားယို အွဉ်း ဒျားအထျ,ထျူတဲင် ဝင်,ဖေးနေး ကချမ်,သားတွော့, –

- \* ကမာႏ(ဖေႏ တွမ်ႏနမ်းနဝ်ႏ ထွာ "ကာယကမ်းမေတ္တား"။
- \* ကဒေါ့ (ကဟော် ၊ ကတမာ၊ ကသွဉ်သင်၊ ကဆွုံ မေ ၊ ကဖေး ဩဝါဒ) တွမ်းဖြောင်းနဝ် ထွာ "ဝစီးကမ်းမေတ္တား"။
- \* တွမ်းနမ်းတဲ့ တမွေးတဝ်း၊ တွမ်းဖြောင်းတဲ့ တမွေးတဝ်း၊ ယူးတေ့ ့ချားသကိုတဲင် သကမဉ်အွဉ်းချမ်း့သားဝင် နဝ်း ထွာ ''မနော်ႏကမ်းမေတ္တား''နဝ်းသျှ ။

ဘေးရန်းဖေးနေးကကင်း၊ ဖေးနေးကမော့လွမွိုန်း ဆင်း ရယ်းဒုက္ခ အယပ်းအခဲင်း အခိုးအလျား၊ ဖေးနေးကနြိုင်းသန်း ချမ်းသားလွ၊ တဖြားတွမ်းတဖြား၊ တလမ်းတွမ်းတလမ်း၊ တခုံတွမ်း တခုံ၊ တကျောင်းတွမ်းတကျောင်း၊ တရပ်တွမ်းတရပ်၊ တစ္ပိုးတွမ်း တစ္ပိုး စတဲင် ဖေးနေးကထီးသင်း ရက်ပင်းလွဝင်း၊ ဖေးနေးကတွမ်း နိစ္စက်မွိုန်းလို့ဝင်း၊ ခမ်းဟဝ်ထီလွိုင်း ယံကလုပ်းဗားကွိုင်းကွိုင်းထား၊ အခွဉ်းအခြုံး ယံကအဝ်း၊ အရားအကဝ်း ယံကဟဝ်၊ အအံးအအွေး အကွဉ်အက, ယံကလွိုင်းအာ စတဲင် ကိစ္စဖုံးယို မဉ်းကျိုးဆောင်း မားဖေးတွမ်းနမ်း(မဉ်းခံးယပ်းနမ်း)နှင်း ထွာ "ကာယကမ်းမေတ္တား"။

မဉ်းကျိုးဆောင်းတွမ်းဖြောင်း (လယ်းဒေါ့၊ လယ်းဟော်၊ လယ်းဖေးသဘော်,တရာ,၊ လယ်းချ,နား၊ လယ်းတမာ စတဲင်နိုင်း နဝ်,) နဝ်, ထွာ "ဝစီးကမ်းမေတ္တား"။

ဖေးကထွာနဝ်,အတွိုင် အဝ်းယူး၊ အဝ်းကျုံး၊ အဝ်းဝွေးဖန်း၊ အောဝ်းစဉ်,စာ ၊ သကမဉ်အွဉ်းချမ်,သားဝင် ၊ ကဆုတောင်တေ့ ၊ ကပသာတေ့မေတ္တားသကိုနဝ် ထွာ "မနော်,ကမ်းမေတ္တား"နဝ်,သျှ။

### မေတ္တား ၃–မျို့ ကဗျာ

\* ထွားဝင်,အကျို့ – အမျို့ချမ့်သား
 တွမ်းနမ်းမားဖေး – တန်ပေးအများ
 ကာယကမ်းနော – ယံခေါမေတ္တား

ကျင်,နေးထူး – ခွ,ရျူး ကျို့တန်အာ ။

#### (၈) မေတ္တားတရာႏ

\* ထွားဝင်းအကျိုး – အမျိုးချမ်းသား
 တွမ်းဖြောင်းမားဖေး – တန်ပေးအများ

ဝစီးကမ်းနော – ယံခေါမေတ္တား

ကျင်ႏေနးထူး – ခွႏုချူး ကျိုးတန်အာ ။

\* ထွားဝင်ႂအကျိုႂ – အမျိုုရမ်ႂသာႏ

တွမ်းသမှားဖေး – တန်ပေးအများ

မနော်ႂကမ်ႏနော – ယံခေါမေတ္တာႏ

ကျင်,နေးထူး – ခွ,ရူး ကျို,တန်အာ ။

\* \* \* \* \* \* \* \* \* \* \*

#### ပရိတ်တရာမတာႏ

မေတ္တာႏခရာႏ သေနာႏတကားယိုထွူတဲင် အဝ်းလိုးသွဉ်ငါ လွေ့တေား "ပရိတ်မေတ္တား" အကျောင်းခရားတွော့ အီးတဲမ်းသျှပ် ဗွောင်နယ်လွေ့ဖေးယိုသျူ ။

နီဗွေးဘုရား ကဟော်းခါးဒါး ပိဋကတ်သွံဖွုံးအကိုနှဝ်း ကမား ငိမ်းဖေးဒါး ဘေးရန်းအန္တရာယ်း၊ ကကားကွယ်းဖေးဒါး ထားကိုင် ဥပ္ပါဒ် တရားမျတ် (ပရိတ်တေား)နှဝ်းလဲ့ အဝ်းပါသော့ နှဝ်းသျှ ။ ပရိတ်တရားတေားဖုံးနှဝ်း အဝ်းခြဉ်းပူးထင်း တထွောင်းချင်း တမွေးတဝ်းတဲင် ပုဂ္ဂိုလ်းသေ ပုဂ္ဂိုလ်းဒါး ဗွေးဆရားတေားတန်သီး စခေါင်းစခါဖုံးနောဝ်, လွိုက်ထန်းထေခေါ် စုခြွဉ်းဖေးခါ, ပရိတ်တရာ, (၁၁–သုတ်)ဖုံးနှဝ်,သူ ။

#### " ပရိတ် "အဓိပ္ပါယ်ႏ

ပါဠိဟဲ့ "ပရိတ္တ"၊ ပအိုဝ်းဟဲ့ "ပရိတ်"ကရို နှင်, အရဲး၊ အဖွောင် ၊ အဆေင်း (အကားအကွယ်း) အဓိပ္ပါယ်းလ နိုင်းနှင့် သျူ။ နီလို သီး မဉ်းမော့ ေစွာ့ ဘေ ရန်း အန္တရာယ်းတဲ့ ဘေ ရန်း အန္တရာယ်း ယံကထို မား ဖေးနေးကင်မ် (ခွ ထို တဲ့ နှင် ၊ ဘေ ကိုင် ရန်းစွယ်း အန္တရာယ်း ျာပါဒ် ယံကထွာထပ်မွိုန်းတဲ့ နှင် ၊ ဖေးနေးက တွမ်းမော့ ဗားမွိုန်းတဲ့ နှင် ရှစ်ဗား နားဗား ပရိတ်တရာ တေားယို၊ အားကို (သန်သန်ဗား ပရိတ်တရာ တေား အစွန် အနုဘေားဖုံးနှင် သူ။ ။

ကွပ်တရားဖုံးနဝ်း အစွန်းအနုဘေား အဝ်းခူ အဝ်းပတ် အဝ်း ရဲး အဝ်းဖွောင်း အဝ်းဆေင်းခါးဖေးခါး နိုင်းနဝ်းတင် တရားအမျိုးနိုင်း နဝ်းနဝ်း ဖန်ဟဲ့လွခန်း ''ပရိတ်''နိုင်းနဝ်းသျူ ။

#### ကောရှစ် , ကောနား အင်္ဂါး ၃-ပါ,

ပရိတ်တရားတေား အစွန်းအနုဘေား ယံဖေးနေး ကယိန်း တရိုင်ထင်တဲင် ကောရွစ်သားတွမ်း ကောနားသားဖုံးနှင် အချက်အင်္ဂါး အဝ်းဗား ပငါပရားနောဝ်းသျှ ။

### ကောရှစ်သားတား အင်္ဂါး ၃–ပါ,

- ၁။ သွဉ်တဲပ်တဲပ်နှဲပ်နှဲပ်ခါးဗား (ပရိတ်) ပါဠိမဲဉ်းမဲဉ်း အနက် မွေးမွေး ။
- ၂။ ပုဒ် , အက္ခရား (ပရိတ်ပါဠိ ၊ အဖြုံး ၊ အင္ဝါ)ဖုံးနှဝ်, အွဉ်း ယွမ်းထိုး အွဉ်းကဲုင်ထိုး လႏတဝ်း၊ သွဉ်အွံဒါးဒါးသေးခါးဗား။
- ၃။ သႏဗ္ဗို့ဂ္ဗို့ဗားတောဝ်းလာဘ်၊ မေတ္တားစင်ဗွာ အွဉ်းဆ ငါတဲင် ရှစ်ဖေးဗား – အင်္ဂါးယို ၃–ပါလျှ ။

## ကောနားသားတား အင်္ဂါး ၃–ပါ,

- ၁။ ပဉ္စာနန္တရိယကံႏ အဲဉ်ထောဝ်း ။ (မာႏသီမွိုး၊ မာႏသီဖါ၊ မားသီရဟန္တား၊ မားကွယ်းသံဃား၊ မားသွီးဘုရား ယိုငတ်းပါးနဝ်း ဟဲ့ ''ပဉ္စာနန္တရိယကံး'')။
- ၂။ ထွာဗာႏတဝ်း နိယတ မိစ္ဆာဒိဋိ ။ (ထားထီးမားသန်၊ ထားယူးမားသန်နဝ်, ဟဲ့, – "နိယတ မိစ္ဆာဒိဋိ" ။
- ၃။ ယျွမ်းအံႏဗား ပရိတ်တေားတံ့နို့ အင်္ဂါးယို ၃–မျို့သျှ ။

#### ပရိတ်တေား ကဗျာ

\* ပရိတ်တရား – ရဲးခါးနွောင်းဖေး ဘေးရန်းအာစား – ထိုးမားဖေ့လွေး နုဘေားတံုခိုး – ကုမ်းလိုးသေးသေး ကျင်းသွုံးထူး – ရောင်းချူး ခေ့းတွမ်းလေ ။ \* ကောရွစ်ရိုးသား – တဲးဝါးသွဉ်ဗား အက္ခရားငွါငေါဝ်း – ယွမ်းတောဝ်းလားလား သမ္ဗိုးတဝ်းလာဘ် – ရွစ်ဖေးရိုးချား အွဉ်းမေတ္တား – အင်္ဂါး ယိုသွံပါး ။ \* ကောနားလိုးသား – ငတ်းစားကင်းဗား မိစ္ဆားမျိုးဟွေး – လွစ်မွေးလားလား ပရိတ်တံႏခိုး – ယျှမ်းယိုကျိုးချား ကောကနား – အင်္ဂါး ယိုသွံပါး ။

အွိုးခႏတလဲင်း နီဗွေးဘုရား အဝ်းအုံသတင်းသွုံး သာဝတ္ထိ ခမ်းကိုအတွင်း ရဟန်းငတ်းရျားဖုံးနဝ်း – ထူးကမ္မဋ္ဌာန်း နီဗွေးဘုရား ထျေထျူတဲင် ကျွလွေးလွ ဟိမဝန္ဘားကောင်ရွေး တခြာတန်ကိုတွော့ အုံသေင်းဆလ အားထျွတ်လွတရားဖုံးသျှ ။

ကွပ်ရဟန်းဗွေးမျတ်သီး အသီးလ အတံးရိုးတဲင် လူးကအဝ်း အုံဒါး သေင်းလောင်းဖုံးနဝ်း စွီးအပိုဖိုင်းထိုးလို့ ဗား၊ ထင်းမဉ်းတီး ရဟန်းဗွေးသီး အီးသဲင်းချာမွိုင်တဲ့ သမ်းတသဲင်းတင်းတွင် ဗွေးရဟန် သီး ဖေးနေးကတွမ်းအုံဗွိုန်းမွိုန်းတွော့ လူးသီးဖုံး ဖန်ဆင်းအနမ်း ဘီလူ လောက်းခေ့ စွဉ်းထား ရဟန်းသီး ဆင်ါနဝ်မ ရဟန်းသီး ငမ်းသႏဝျ လႏုလွ ရေားဂါးအမျိုးမျိုး၊ သဲင်းချာထိုး ဝါးတွင် စွဉ်းထား၊ သဲင်းလောဝ်းနယ်ဘုရား အကျောင်းခရားနောဝ်းသျှ ။

အဆင်းကပြေး တွမ်းဗွေးရဟန်းသီးနဝ်းနဝ်း အဝ်းဒျားအရပ် နဝ်းကိုလျှမ်းတဲင် ကျွလွေးအုံချာယင်းသွော့ နဝ်းကိုရပ်အကျောင်း ဗွေးဘုရားမိန်းထျူတွော့ ကမ္မဋ္ဌာန်းတားတဲ့မွေးမွေး၊ အရဲး , အဖွောင်း အဆေင်း (အကားအကွယ်း)တဲ့မွေးမွေး၊ နီဗွေးဘုရား သွဉ်ဖေးခါး "ပရိတ်မေတ္တားသုတ်"ယိုသျူ ။

ဗွေးရဟန်းသီးဖုံးတဲ့ နီဗွေးဘုရား ကနယ်ထွဉ်းအတွိုင်း ရွစ် မေတ္တားသုတ်ယို ပွါးများမေတ္တားဘားဝနားတဲင် လူးသီးနှစ်သက် ဟွိုန်ဟောဝ်ရက်တွော့ မားဖေးပါထဲင်းစွဉ်း ရဟန်းဗွေးမျတ်သီး ဝွတ် ပတ်ဖုံးနောဝ်းသျူ ။

ရဟန်းသီးဖုံးတဲ့ ပွါးများလွမေတ္တား၊ မေတ္တားတရားယို အွဉ်း ထွာအထျးတဲင် အားထျွတ်တရား ပွါးများဝိပဿနားတွော့ ထွာလို့ စွဉ်း ရဟန္တား ဝါးတွင်းကိုကားနောဝ်းသူ ။

(အလုဲင်းန**်**, ထွားသွော့ ခုဒ္ဒကနိကာယ ခုဒ္ဒကပါဌဋကထာႏ – ၁၉၈၊ သုတ္တနိပါတဋကထား – ၁၇၅ ကို) ။

### မေတ္တားအကျောင်, ကဗျာ

\* ဘုရာႏစိုးစ – ကားလနောဝ်ႏကား

စောဝ်းရဟန်ႏမျတ် – စွယ်ႏကျပ်တရာႏ

သတင်ႏသွုံးလွ – ဟိမဝန္တာႏ

တဆေ့နတဝ်း – ဗွေးစောဝ်း ပဉ်ငတ်းများ ။

\* ဗွေးသီးတံ,ခို, – လူ,ထို,ညာ,ဗာႏ

စွီးတွမ်းပိုဖုံး – အုံပြုံးစဉ်,စာ,

လောက်ႏနေးနဝ်ႏမး – ထိုးကျွဲးသုံးဃား

ထာႏေခ့ေဟွး – လောက်ႏမွေး ရူရူရာ ။

\* ရဟန်ႏသီးနမ်း – ဟွိုန်ငမ်းလွဉ်ႏငါႏ

ရေားဂါးတဲ့မော့, – လောဝ်းဒေါ့,ဘုရာ,

ဘုရာႏနီဗွေး – သွဉ်ဖေးမေတ္တား

အုံချာဗာႏ – ရပ်ရား နောဝ် ကိုခြာ ။

\* မေတ္တားတရား – ထင်းပွါးလွေးဗား

လူ,သီးဟွိုန်ရက် – နစ်သက်ဟောဝ်ထာ,

မား(ဖေးဝွတ်ပတ် – ဟောဝ်မျတ်ယံငါး

ရဟန္ဘား – ထွာဗား လို့ငတ်,ရျာ, ။

\* \* \* \* \* \* \* \*

#### မေတ္တားသုတ် ပါဠိ တွမ်း အနက်

- (၁) ယဿာ နုဘာဝတော ယက္ခာ၊ ေနဝ ဒဿေနွိ ဘီသနံ။ ယမှိ စေဝါ နုယုဥ္ဇန္ဘော၊ ရတ္တိန္ဒိဝ မတန္ဒိတော ။
- (၂) သုခံ သုပတိ သုတ္တောစ၊ ပါပံ က်ိဥ္စိ န ပဿတိ ။ ဝေမာဒိ ဂုဏူပေတံ၊ ပရိတ္တံ တံ ဘဏာမဟေ ။

#### (၁) အနက် –

ယဿ – ပရိတ်မေတ္တားမဲ့င် တရို့တင်း၊ အာနုဘာဝတော–
ကွပ်(ပရိတ်နှင်)့အစွန် အာနုဘေားတင်၊ ယက္ခာ – လူ , ဘီလူ သီးဖုံးနှင် ၊ နေဝ ဒဿေန္တိ – အွဉ်းနယ်နွောင် လွတင်း၊ ဘီသနံ–
ဟင်ငမ်းခရား အားရွုံးမျိုးယို၊ ရတ္တန္ဒိစံ – စွုမ်းနီ စွမ်းဟာ မဲ့င် ရါတရို တင်း၊ ယမှိစေဝ – (သမ္ဗို့စပ် ျား) မေတ္တားကိုလျှမ် ၊ အတန္ဒိ တော – ထားလွ လေး အဲဉ်ထင်းတင်၊ အနုယဉ္စန္တော – (မေတ္တား အွဉ်းပွါ) ကအင်းကျိုးစာ တသေးသေး လို နောင် ။

#### (၂) အနက် –

သုပတိ – ဗေင်းဗားဒျား၊ သုခံ– ချမ်းချမ်းသားသားသျှု၊ သုတ္တော – မဲ့ကထင်းဗေင်းနဝ်း၊ ပါပံစ ကိပ္စိ – ထားဗေင်းမင်းတကဲ့င် တစ္စိုးတမျိုးယိုငါးတဲ့၊ နပဿတိ– တထီးဗားတဝ်း(တဗေင်းမင်း တဝ်း)။

ငဝမာဒိ ဂုဏူပေတံ – စတဲင်နဲုင်းယို တန်ထိုကျို့ဂျွဏ်း ကပြံ့ စုုံးဒါး၊ တံ ပရိတ္တံ – ပရိတ်တေားယိုနဝ်,၊ ဟေ – ဟွိုး သူးတေား ကောင်,သီးဖုံးဟွေး၊ မယံ – နီသျှဉ်းသီးဖုံးယို၊ ဘဏာမ – ရွစ်လွှခန်း တွမ်ဗွေးသြ ။

### 

ကွပ်ပရိတ်မေတ္တားနှဝ်,အစွန်, အာနုဘေားတဲင် လူ, ဘီလူ, သီးဖုံး အွဉ်းနယ်နွောင်,လွတဝ်း ဟောဝ်ငမ်းခရား အားရွုံးမျို့ဖုံးယို၊ စျမ်းနီ,စျမ်းဟာ မဲုင်,ခါတရို့တဝ်း၊ သ,ဗွို့,စပ်,ဒျား မေတ္တားကိုလျှမ်,၊ ထာ, လွ,လေးအဲဉ်ထောဝ်းတဲင် မေတ္တားအွဉ်းပွါ, ကကျို့စာ, တသေး သေးလို,နောဝ်, –

### (၂) ပြန်းပအိုဝ်းခြေင်ခြင် –

ဗေင်းဗားချား ချမ်းချမ်းသားသားသျှ၊ မဲ့ကထင်းဗေင်းနောဝ်း ထားဗေင်းမင်းတကဲ့င် တစ္ပိုးတမျိုး ယိုငါတဲ့ တဗေင်းမင်းတဝ်း။ စတဲင်နှဲင်းယို တန်ထိုကျိုးဂျွဏ်း ကပြဲ့စွုံးဒါး ပရိတ်တေား ယိုနဝ်း၊ ဟွိုး – သူးတေားကောင်းသီးဖုံးဟွေး၊ နီသျှဉ်းသီးဖုံးယိုနောဝ်း ရှစ်လွခန်းတွမ် ဗွေးသြ ။

\* \* \* \* \* \* \* \*

### (၁) ဗွောင်နယ် ယဿာနုဘာဝတော ဂါးထားအဓိပ္ပါယ်ႏ

တဲး "ယဿာနုဘာဝတော ဗႏုလွေ, ဘဏာမဟေ" ယိုနီ ပျတ်နှင်, ငေါင်းအုံးဖြား ပရိတ်မေတ္တားသုတ်ချား၊ ဘုရားဟော်, လူမွေးတောင်း၊ ဗွေးစောင်းပုဂ္ဂိုလ်းဒါး၊ ဆရားအွိုးစခါသီးဖုံး အငေါင်း ငွါချားနောင်,သူ ။

ယက္ခာ ကရိုနုစ်ႏ "ဘီလူ,"ကရိုနုစ်ႏလဲ့ ယိုကိုနှစ်ႏ ထူးဗား ဒျား လူး (လူ,ကဖန်ဆင်း အနမ်းဘီလူး)ဖုံးနောစ်းသျှ၊ လူးတန်သျှ မဉ်းတဲ့ လောက်ႏတလႏတစ်း၊ ယားတလးတစ်း၊ မွို့တလႏတစ်းဟ နိုင်းကျွို့တကောင်းတကဲ့င် စတဲင်လူပစော့ပနျဖုံးနစ်း လောက်းယိန်း တလႏတစ်း၊ ယားယိန်းတလႏတစ်း၊ မွို့ယိန်းတလႏတစ်း အဓိပ္ပါယ်း လႏပါ နိုင်းနောစ်းယင်နှစ်းသျှ ။

### ကဟော်<sub>း</sub>ထပ်ဗား ငေါဝ်း ''အတန္ဒိတော'' အကျောင်<sub>း</sub> –

"အနုယုဥ္ကန္ဘော" အောင်းကျိုးစား တသေးသေးလဲဦးတဲင် "အတန္ဒိတော – ထားလွေးလေးအဲဉ်ထောင်း" ကရိုးဒါးငေါင်းယိုနှင်း ပါးတင်းစွဉ်းတဲ့ လႏျားမတောင် ငေါင်းရီခရား အင်းနဲုင်းနှင်း။ "ကျိုးစားတသေးသေး ကရိုးကီတဲ့ ကျိုးစားပသောင်းပသား၊ ကျိုးစား လွေးလွဲးလိုးလိုးကျိုးထား ထွာတောင်း၊ မားထားမား အမျိုး မိုင်း တရိုးတောင်း၊ ကျိုးစားမွေးမွေးမ,၊ ထားလွေးလေးအဲဉ်ထောင်းမ မားကိုင်းကိုင်းမဲ့ အောင်းမျင်းလဲ၊ ထားလွန်အမျိုးနှင်း ထွာငါး ထား အောင်းမျင်းမုဲ့ အန္တရာယ်း၊ မဉ်အွဉ်းသေငါး အဓိပ္ပါယ်းနိုင်းနှင်းတိင် ဟော်းထပ်ထဲင်းဗား ငေါဝ်း "အတန္ဒိတော"နောဝ်းသျှ ။

### (၂) သုခံ သုပတိ ဂါးထားအဓိပ္ပါယ်ႏ

### <mark>ധേഗ്ഗാ;</mark>ജന്വി, ၁၁–ലി,

၁။ ဗေင်းဗား ချမ်းချမ်းသားသား

၂။ မဲ့သေဗာႏ ချမ်ႏချမ်းသားသား

၃။ ဗေင်းမင်း တကိုင်တဝ်းထာ,

၄။ လို့သီးတဲ့ရက်

၅။ လူ့ဖုံးတဲ့ရက်

၆။ လူ သီး အောဝ်းကုမ်းဖေး

၇။ မေး , အစ္ခူး , လက်နက် , ချေင်းနွောင် ${}_{\scriptscriptstyle (}$ တဝ်း

၈။ သႏတဲ့စျွယိုႏ

၉။ မဲ့ငါဗန်တသေး

၁၀။ သီလိန်းလျှမ်းဗားတောင်းထား

၁၁။ သီထွူ တွိုးထင်းဗား ဗြဟ္မာႏခမ်း မေတ္တားအကျို့ ၁၁–မျို့ယိုသျှု ။

# မေတ္တာႏအကျို, ငေါဝ်းလင်္ကာႏ

ဗေင်း, သေချမ်းသား၊ မင်းကိုင်ဗားတင်း၊ လိုးယင်းရက်အာ၊ လူးခါရက်ပဲင်း၊ ထွားယဲင်းကုမ်းဖေး၊ စျူး, မေးလွစ်ဗား၊ စျူငါးသမ္ဗာ၊ မဲ့ငါဗန်အွီး၊ စျူဗွီးသီသား တွိုးဗြဟ္မား၊ မေတ္တားကျိုးဆီပုံင် ။

### <mark>ധേഗ്ഗാ;</mark>ങന്വി്, ന്വാ

ဗေင်း, သေချမ်းသား – မင်းချားဟဝ်ဒါႏ

လိုးသီးလူးသီး – ရက်ရီး , ယဲင်းခါး

စျူးမေးလွစ်ကင်, – သ,ရင်,စျူငါး

လွိုးဗန်အွီး – သီဗွီး ဗြဟ္မားထွာ ။

- (၁) "သုခံ သုပတိ ဗေင်းဗားချမ်းချမ်းသားသား" ကရိုးနှင်း – လိုးမေတ္တားသားနှင်း သမ္မွူသမ္မာ့တဲင် ကတိန်းဗေင်းထား တဲ့ (ငမ်းခရား) နန်းခရား ထမိုင်းမိုင်းအဲဉ်ထောဝ်း၊ တမ္ဗိုးတမား တဝ်းထား မဲ့ဗေင်းအွီးချား၊ ဗေင်းဗားချမ်းချမ်းသားသားနှင်းသွူ ။
- (၂) "မဲ့သေချမ်ႇသား" ကရို့နောဝ်, ကွပ်ဗေင်းဗား ချမ်ႇချမ်ႇသားသားတဲင် မဲ့ကထင်းသေတဲ့ နမ်းသ, ချမ်ႇသားဒျားနောဝ်ႇသျှ ။
- (၃) "ဗေင်းမင်းတကိုင်တောဝ်းထား" ကရိုးနောဝ်း ကွပ်မေတ္တားဓာတ် အောဝ်းခံတဲင် မဉ်းဗေင်းမင်းထားတဲ့ ဗေင်း မင်းချား အဟဝ်အဒါး၊ ထဲ့လဲင်း, ကေယဲင် စတဲင် ထားဗေင်းမင်း

တကိုင်မျို့နှဝ်, ဗေင်းမင်းဗားတဝ်းနှဝ်,သျှ ။

- (၄) "လိုးသီးတဲ့ရက်" ကရိုးနောဝ်း နေးတွမ်းမေတ္တား ကွပ်ရက်ငါးဝင်း၊ ကွပ်အွဉ်းမေတ္တား ဝင်း လောင်း, ကွပ်မားချမ်းသားဖေးဝင်းတဲင် ဝွေးနဝ်းတဲ့ ဝင်းရက်ချာဗားဗား နောဝ်းသျူ ။
- (ရ) "လူးဖုံးတဲ့ရက်" ကရိုးနောဝ်း မေတ္တားသားနဝ်း ငွေးရက်ဒျား လိုးလျှမ်းမွေးတဝ်း၊ လူးတဲ့ ငွေးရက်ပါဒျားတဲင် လူးဖုံးတဲ့ ရက်ချာငွေးနဝ်းသျှ ။
  - (၆) ''လူးသီးအောဝ်းကုမ်းဖေး'' ကရိုးနောဝ်, ကွပ်လူးဖုံးရက်တဲင် လူးသီးဖုံး အဝ်းကုမ်းဖေးဝွေ, နဝ်းသျှ။
- (၇) "မေး, အစ္ခူး, လက်နက်ခွေါင်းတဝ်း" ကရိုးနဝ်ႏ မေတ္တားကရိုးနဝ်ႏ အခွးမျိုး အဟဝ်မျိုးချား၊ ထွာချားအရဲး, အဖွောင်း, အဆေင်း(အကားအကွယ်း)ဟဝ်တဲင် မေတ္တားသူးခါတ် ကတလာမွေးလိုးနဝ်ႏ မေး, အစ္ခူး, လက်နက်တခွေါင်းတဝ်းနဝ်းသွူ။
- (၈) "သႇတဲ့စွူ" ကရို့နောဝိ, မေတ္တားသားနဝိ, နမ်းသႇချမ့်သား သႇဒိုးသႇလျား အဲဉ်ထဝ်း တဲင် သႇခွ<sub>ဗ</sub> သႇစ္စူပေးဒျာႏနဝိႇသျှ ။
  - (၉) "မဲ့ငါဗန်တသေႏ" ကရိုးနောဝ်ႏ မေတ္တားဝါတ်အရောင်း အဝ်းလေတောင်းထန်း အမဲ့ငါလောင်း

နဝ်ႏတဲင် မဲ့ငါဗန်တသေး (လောင်းလွိုးအွီးတသေး) နဝ်ႏသျှ ။

(၁၀) "သီလိန်းလျှမ်းဗားတဝ်းထား" ကရိုးနောဝ်း – မေတ္တားသားနဝ်း မေတ္တားဓါတ်ခွာအဝ်းတင် သႏွား၊ ကွပ်သႏ စျူတင် သတိုးဟဝ်၊ ကွပ်သတိုးဟဝ်တင် သီလိန်းလျှမ်းဗားတဝ်းထား၊ တပြန်တဝ်းအနမ်း၊ ထားသာကွဲဗွီးဗွီး၊ နှင်းစွဉ်း ပါးကဗေင်းအွီးထား နဝ်းသျှ ။

(၁၁) "သီထျ တွိုးထင်းဗြဟ္မားခမ်း" ကရိုးနောဝ်း – လိုးကပွါးမေတ္တားနဝ်း မဉ်းတတွိုးနွောင်းတဝ်းဒွိုန်း ရဟန္တား အရန်းတဲ့ လူတွိုးနွောင်း ရူပဈာန်းတဲင် ဈာန်းနဝ်း မဉ်းတကိုင်တဝ်း (မဉ်းသီထံ တွမ်းဈာန်းနဝ်း)နဝ်း တွိုးထင်းဗား ဗြဟ္မားခမ်းနဝ်းသူ။

#### မေတ္တားအကျို, (ပထမ) ခ,တမျို,

လမ်းတလမ်းနဝ်, လို,မူးအာ၊ လို,ခိုဆေ့,၊ လမ်းနဝ်,နောဝ်, စွန်, တခွန်, နွို့ယားယို,ပေးလျှမ်,၊ နိုင်းနောဝ်,နေနေ လို,တပွါ,တဝ်း မေတ္တားနဝ်, လူ, , ဘီလူ,ဖုံး လွဉ်ယားယို,ပေးလျှမ်,သျှ ။ လမ်းတလမ်းနဝ်, လို,ခိုအာ၊ လို,မူးဆေ့,၊ လမ်းနဝ်,နောဝ်, စွန်, တခွန်, နွို့ယားတယို,တဝ်း၊ နိုင်းနောဝ်,နေနေ လို,ကပ္ပါ, မေတ္တား နဝ်, လူ, , ဘီလူ,ဖုံး လွဉ်ယားတလ,တဝ်း နဝ်,သျှ ။

( နိဒါနဝဂ္ဂသံယုတ်ပါဠိ – ၄၅၅ )

#### မေတ္တားအကျို, (ဒုတိယ) ခႏတမျို့

ပါ,တဖြာ,နဝ်, လူးခဲ့၌ တနီ,သွံလဲင်း၊ တလဲင်းတလဲင်းနောဝ်, ခဲ့ဉ်ဖွိုင်,တန် အဖြုံးတရျာ,တရျာ,၊ ပါ,တဖြာ,နဝ်, ပွါ,မေတ္တား တနီ, သွံလဲင်း၊ တလဲင်းတလဲင်းနဝ်, ညလဲ့ကျွို့ ဆေ့လင်,ဖိုးနဲဉ်းထီ တလဲင်း တားလျှမ်,၊ ပါ,ကပ္ပါ, မေတ္တားသားနဝ်, အကျို,တန်လဲဉ်းက ပါ,က လူးခဲ့ဉ်နဝ်,သျူ ။

( နိဒါနဝဂ္ဂသံယုတ်ပါဠိ – ၄၅၅ )

#### မေတ္တားအကျို, (တတိယ) ခ,တမျို,

ရဟန်ႏတပါႏနဝ်ႏ မဉ်းနေးမေတ္တား မဉ်းပွါးမေတ္တား မဉ်းယူး မေတ္တား စူတဗျက် (မဲ့တထဲင်း၊ တစက္ကန့်) ပေးငါတဲ့ယဝ်း၊ ရဟန်ႏ နဝ်ႏနဝ်ႏ ဈာန်းဖေ့တဝ်း၊ နေးနားဒျား ဘုရားအဆွုံးမ သြဝါဒ သွုံး ခမ်းသား ဒဲဉ်တဲ့တန်း အံးထီသားဟန်းတဲ့ထွိုက် ရိုးဗားနိုင်းနဝ်းတဲင် မဉ်းပွါးတသေးသေးထဲင်း မေတ္တားနဝ်း ဒေါ့ခရားအဲဉ်ထဝ်းဒျုမ်နဝ်း သူ။။

( ကေင်္ဂုတ္တရပါဠိ – ၉ )

#### မေတ္တားအကျို, ခႏတမျို, ကဗျာ

မေတ္တာႏအကျိုႏ – တမျိုးရိုးဗာႏ

မေတ္တားပွါ့သား – ကောယားကင်နညာန

လူးထာႏတဲ့ယောဝ်း – ထွႏတောဝ်း မေတ္တာႏ

ပွါ,မေတ္တား – တန်းဒျား ဒဲဉ်သွမ်,ဗွာ ။

တောင်းခါ - ဒါးန, သီးလ, ဘားဝနား ကုသိုလ်းသွံမျိုးကို နဝ်း မေတ္တားယို ထွာဘားဝနားကုသိုလ်းတဲင် မေတ္တားဘား ဝနားယိုနဝ်း အကျိုးတန် လဲဦးက ဒါးန, သီးလ နဝ်းသျှ။

\* \* \* \* \* \* \* \*

(၃) ကရဏီယဲ မတ္ထ ကုသလေန ၊ ယန္တ သန္တံ ပဒံ အဘိသမေစွ ။ သက္ကော ဥဇူ စ သုဟုဇူ စ ၊ သုဝစော စဿ မုဒု အနတိမာနီ ။

#### (၃) အနက် –

သန္တံ – ကငိမ်ႏွစ္ခုုခွႏဟဝ်ငါး၊ ပဒံ – နိဗ္ဗာန်ႏချမ်ႏသားယို၊ အဘိုသမေစွ – သႏကိုယူးထောင် ထီးဖြောင်ထျူတဲင်၊ (ဝိဟရတု ကာမေန – ကမဉ်အုံခွႏွခဲ့သႏသႏဒါး)၊ အတ္ထကုသလေန– အကျင်ႏ ဟဝ်အမျိုးမျိုး အကျိုးဟဝ်အစားစားကို တဲးဝါးလျင်းဒါး လိုးလိန်းမား နဝ်ႏ၊ ယံ (ကရဏီယံ) – အကျင်းမျတ် အမျိုးမိုင်းတရိုးတောဝ်း ကအဝ်းလိုးမားဗားနဝ်ႏ၊ အတ္ထိ – အဝ်းဒျားသျှု၊ တံ – ကအဝ်းလိုး မား အကျင်းမျတ်ယိုနဝ်းနဝ်း၊ ကရဏီယံ – မားဗားနဝ်းသျှု ။

အဿ – ဖေးကထွာဗား၊ သက္ကောစ – လို မာ နွောင် ယင်၊ အဿ – ဖေးကထွာဗား၊ ဥဇူစ – လို စွို့ စွဉ်းယင်၊ အဿ – ဖေးကထွာဗား၊ သုဟုဇူစ – လို စွို့ စွဉ်းမွေးမဲုင်းယင်၊ အဿ – ဖေးကထွာဗား၊ သုဝစောစ – လို နားငင်းယင်၊ အဿ – ဖေးကထွာ ဗား၊ မုဒုစ – လို ပနဲ့ ဉ်းတဗွီးယင်၊ အဿ – ဖေးကထွာဗား၊ အနုတိမာနီစ – လို သ ဖြုံးတထိုတင်းယင် ။

> (၄) သန္တုဿကော စ သုဘရော စ ၊ အပ္ပကိစ္စော စ သလ္လဟုကဝုတ္တိ ။ သန္တိန္ဒြိယော စ နိပကော စ ၊ အပ္ပဂဗ္ဘော ကုလေသွ ႆ နုနုဂိဒ္ဓေါ ။

#### (၄) အနက် –

အဿ – ဖေးကထွာဗား၊ သန္တြဿကောစ – လိုးကျွို့သႏ ယိုးယင်၊ အဿ – ဖေးကထွာဗား၊ သုဘရောစ – လိုးလျှူးခွမ်းယိုး ယင်၊ အဿ – ဖေးကထွာဗား၊ အပ္ပကိစ္စောစ – လိုးထားမားဆေ့း ယင်၊ အဿ – ဖေးကထွာဗား၊ သလ္လဟုကဝုတ္တိ – လိုးတခြိုး တလေင်းဆေ့းမျိုး လျူးနမ်းယိုးယင်၊ အဿ – ဖေးကထွာဗား၊ သန္တိုန္ဒိယောစ – လိုႂက္ကန္ဒြေႏွစ္စူဟဝ်ယင်၊ အဿ – ဖေႏကထွာဗာႏ၊ နိပကောစ – လိုႂထာႋသူးသေအဝ်းမွေးယင်၊ အဿ– ဖေႏကထွာ ဗာႏ၊ အပ္ပဂဗ္ဘောစ – လိုႂကျုံႂထံႂ လိုႂရွိုင်ႂစ္ပိုင်ႂ မွေးတောဝ်းယင်၊ အဿ – ဖေႏကထွာဗား၊ အနနုဂိဒ္ဓေါ – လိုႂအဝ်ႏွို့တထဲ့ႂတဝ်း၊ ကုလေသုစ – လိုႂလမ်း အလောင်းဖုံးယင် ။

## (၃) ပြန်းပအိုဝ်း –

ကငိမ့်လွ,စျူဟဝ်ငါး နိဗ္ဗာန်းချမ့်သားယို သႏကိုယူးထောင် ထီးဖြောင်ထျူတဲင် ကမဉ်အုံခွဲ,ခွဲ့သႏုသႏဒါး လို့လိန်းမားနှင်, ကအဝ်း လိုးမာႏ အကျင်းမျတ်ယို မားဗား ။

(ပါ,နဝ်,နဝ်,) ဖေးကထွာဗား လို,မာ,ဧွောင်,၊ လို,စွို့,စွဉ်း၊ လို,စွို့,စွဉ်းမွေးမဲ့င်း၊ လို,နားငဝ်း၊ လို,ပနဲဉ်းတဗွီး၊ လို,သ,ဖြုံးထိုတဝ်း။

#### (၄) ပြန်းပအိုဝ်း –

(ဖေးကထွာဗား) လိုးကျွိုးသႏယိုး၊ လိုးလျှူးခွမ်းယိုး၊ လိုး ထားမားဆေ့း၊ လိုးတခြုံး တလေင်းဆေ့း၊ လိုးက္ကန္ဒြေးဟဝ်၊ လိုး ထားသူးသေအဝ်းမွေး၊ လိုးကျုံးထံး လိုးရွိုင်းစွိုင်း မွေးတဝ်း၊ အဝ်းဝွို့ တထဲ့တဝ်း လိုးလမ်းအလောင်းဖုံး နဝ်းသျူ ။

#### (၃) ကရဏီယံ ဂါးထားအဓိပ္ပါယ်ႏ

ကရဏီယံ – အလ, ထူးဗား သီးလ, သမားဓိ, ပညား ယိုသွံပါ,သူ ။

"ကရဏီယံ – မားဗား"ကရိုးနဝ်ႏ – ဖေးကလႏ သီးလ, သမားဓိ, ပညားဖုံးယိုနဝ်ႏ ကျိုးစားမားဗား နဝ်းသူ ။

အတ္ထကုသလေန – ကိုနဝ်, အတ္ထ – အလ, ထူးဗာႏ အကျင်,ဟဝ်ဒါး တွမ်းနမ်းတားအကျို့ ယိုနီမျို့နဝ်,သျှ ။

"အကျင်,ဟဝ်ဒါႏ" ကရို,နဝ်, – အကျင်, လက,အီဒါႏ မဂ်ဖိုလ်ႏ နိဗ္ဗာန်းဖုံး နဝ်,သူ ။

"နမ်းတားအကျို့" ကရို့နဝ် - လ မဂ်ဖိုလ်း, တွိုးနိဗ္ဗာန်း နဝ် $_{i}$ သျှ ။

"ကုသလေန – လိုးလိန်းမား" ကရိုးနှင်း – အကျင်းလးအီ မဂ်ဖိုလ်းနိဗ္ဗာန်းတဲ့ ဒါး, သေနားတင် ကဒါး, ကသေနားအတွိုင်း ကကံကျင်း ကကျိုးစားဒါးသားတဲ့နှင်း၊ ကွပ်ကံကျင်း ကျိုးစားမွေးတင် ကလးဒါး မဂ်ဖိုလ်းနိဗ္ဗာန်းသားတဲ့နှင်း ဟဲ့းဗား"လိုးလိန်းမား"နှင်းသူ။

လို့နိုင်းမိုင်,မ, ပွါ့နွောင်,မေတ္တား လူ့ဒါးမဂ်ဖိုလ်း အဝ်းလိုး ဟော်,နယ်အလိုင်း အဝ်းလိုးခြုင်းပျ, အစျမ်းတဲင် ဟော်,သျှပ်ငါလွေ, ဗား "သက္ကော ဥဇူ စ" စတဲင် နိုင်းနဝ်,သျူ ။ (၂၆)

#### မေတ္တာ ပုဗ္ဗဘာဂ ပဋိပဒါ (ခါးလားမေတ္တား ကျင်းရီးဗား အကျင်း) ၁၅– ပါး

(	<b>333 693</b> ( )	deteless as all and
(၁)	ဖေႏကထွာဗာ	ာႏ လို့မာ့နွောင့်မ
(J)	II	လို,စွို့,စွဉ်းမ
(၃)	II	လို,စွို့,စွဉ်းမွေးမိုင်းမ
(9)	II	လို,နားငေါဝ်းမ,
(ඉ)	II	လိုးပနဲဉ်ႏတဗွီးမႇ
<b>(</b> §)	II	လို,သဖြုံးထိုတဝ်းမ,
(၇)	II	လိုႂကွို့လ္မယိုုမေ့
(၈)	II	လို,လျူးခွမ်,ယို,မ,
( <sub>B</sub> )	II	လိုႋထာႋမာႋဆေ့ႋမႋ
(00)	II	လိုႏတခြိုႏ တလေင်းဆေ့ႏမႏ
(၁၁)	II	လိုႂက္ကန္ဒြေး စွူဟဝ်မႇ
(၁၂)	II	လိုုထားသူးသေ အဝ်းမွေးမ
(၁၃)	II	လို,ကျံ,ထံ, လို,ရွိုင်,စွိုင်,မွေးတဝ်းမ,
		(ဖေးကထွာဗား လိုးငဲးမႉ)
(၁၄)	II	လိုုအဝ်ႏဝွိုု့ တထဲ့ုတဝ်း လိုုလမ်း
		အလောင်းမ,
(၁၅)	ထာ <sub>•</sub> တဟဝ်၀	တင်း ဒုစရဲက်မျို့ယို မားမွိုန်းတစို့စို့မေ့
	၁၅ – ပါ, (	ယိုသျှ ။

### (၁၅) ပါ, နောဝ်,အကို –

- (၁) "ဖေးကထွာဗား လို့မားနွောင်းမး" ကရိုးနဝ်း ထားယျွမ်းအံး သဒ္ဓါးတရားအဝ်းဗား၊ ခြိုင်းသန်းဗား၊ စွိုးစွဉ်း ဗား၊ ကျိုးစားဗား၊ ထားသူးသေ အဝ်းဗား၊ (ပဓာနိယင်္ဂ)တရားယို ငတ်းပါး (အချက်ယိုငတ်းချက်) မဉ်းအဝ်းဗွေမ ထွာလိုးမားနွောင်း၊ မားနွောင်းမ ထားမားအောင်းမျင်းလ နဝ်းသျှ ။
- (၂) "ဖေးကထွာဗား လို စွို စွဉ်း" ကရို နှင် နမ်းထာ မာ တဲ့ ဖေးကစ္စို စဉ်းဗား၊ ဖြောင်းကဒေါ့ တဲ့ ဖေး ကစ္စို စွဉ်းဗား၊ "မာ အတွိုင် ဒေါ့ အတွိုင် မာ " ဖေးကထွာဗား နှင်းနှင် ၊ ထွာနိုင်းနှင် မ ထာ မာ အောင်းမျင်းလ နှင် သူ ။
- (၃) "ဖေးကထွာဗား လိုးစ္ပို့ စွဉ်းမွေးမဲုင်းမႏ" ကရိုးနဝ်း သႏရင်းယိုတဗား မဉ်းစ္ပို့ စွဉ်းမႏ ထွာလိုးစ္ပို့ စွဉ်းမွေး၊ လိုးစ္ပို့ စွဉ်းမွေးနဝ်းမႏ ထားမားအောင်းမျင်းလႏ တသေးတနား နဝ်းသျှ။
- (၄) "ဖေးကထွာဗား လို နားငေါဝ်းမ," ကရို နှစ် မဉ်းလွောက် နား နေးထူး အဆွုံ အမ ငေါဝ်းသြဝါဒနှစ် မေ ထာ မာ အောင်းမျင်းလ၊ ပေါးလွောက် နားတင်း အဆွုံ အမ၊ မဉ်း လွိုဆန် ငေါဝ်းသြဝါဒနှစ် ထာ မာ အောင်းမျင်းလ တောဝ်း နောစ် သူ။

- (၅) "ဖေးကထွာဗား လိုးပနဲဉ်းတဗွီး" ကရိုးနဝ်း ထွာလိုးပနဲဉ်းတဗွီးမဲ့ မားခတ်းဒါးတဝ်းဝင်း၊ မားဆော့ မဲ့ဒါး တဝ်းဝင်း၊ "ခွေအယူးဝါးဒမဲ့ မဲဉ်း၊ ခွေထားမားမဲ့ မွေး" ခံးဆွော့ ဒါး တဝ်းနဲုင်းနဝ်း၊ လိုးပနဲဉ်းတဗွီးယိုနဝ်း "ကွိုက် တွိုင်းခေါင်း ငေါင်းဟဝ် နား" တင် အသည္မကား မေတ္တားသင်္ဘော အဝ်းရော် လဲဉ်းချားရင်း တွော့ မဉ်းပွါမေတ္တားထားမားနဝ်း အောင်းမျင်းယိုငါး နဝ်းသူ။
- (၆) "ဖေးကထွာဗား လိုးသူဖြုံးထိုတဝ်းမေး" ကရိုးနှဝ်း လိုးသူဖြုံးထိုနှဝ်း ထီးဖွီး ထင်းဖွီဒါးဝင်း၊ အုံးသွင်းတင်းဝင်း၊ သွားခွဆေး၊ ကောရက်သားခြောတန်၊ သူဖြုံးတထိုတဝ်းနှဝ်း ထီးလိုး တန် ရိုးသေး၊ ထီးလိုးပေး ဟွိုန်ဟဝ်တင် အသုကိုသူးကား မေတ္တား သဘော်း အဝ်းရော်းလဲဉ်းချားရင်းတွော့ ပွါးမေတ္တား ထွာယိုးငါးနှဝ်း သူ။၊ ကွပ်နှဝ်းမေး "သူဖြုံးထိုမွိုန်းမေး" ချီးဖေးဗားစီးကန်းနှင်းနှဝ်းသူ။၊

#### (၄) သန္တုဿကော စ ဂါးထားအဓိပ္ပါယ်ႏ

(၇) "ဖေးကထွာဗား လိုးကျို့သူလိုးမေး" ကရိုးနှင်း – အွူးအုံးဖွဲ့တဲ့နှင်း၊ ကျဉ်ကႏဖွဲ့တဲ့နှင်း၊ အခြိုင်းအခြို့ဖွဲ့တဲ့နှင့် ခွိုင်းကအဝ်းပေး ပေါးတက္ပို့သူလိုးတဝ်းနှင့် ထုမ်းကျုံးထင်းထင်း ဗား၊ မားထင်းထင်းဗား၊ ယူးဗား၊ နန်းဗား၊ ခိုးလျားဗားတဲင် သု မေတ္တား အီးထွာဗားနှင့် တယိုးတဝ်း၊ ခွိုင်းကအဝ်းပေး မဉ်းကေးနှင့် ကွို့ သ နှစ် ထုမ်းကျုံးထဲင်းဗားတစ်း၊ မာ ထဲင်းဗားတစ်း၊ ယူးဗား တစ်း၊ နန်းဗားတစ်း၊ ခိုးလျားဗားတစ်းတဲင် သ မေတ္တားထွာယို ၊ ကွပ်နစ် မ "ကွို့ သ ယို မ " ချ ဖေးဗားအချက် နှင်းနစ် သူ ။

(၈) "ဖေးကထွာဗား လိုးလျူးခွမ်းယို" ကရိုးနဝ်း – ထားအုံးအဝ်းသျူတဲ့ မဲဉ်အုံးတင်းယို၊ မဉ်အုံးချား တမျိုးခေါ် ၊ အကျဉ်အက အဝ်းသျူတဲ့ မဉ်ကျဉ်ကႏတင်းယို မဉ်ကျဉ်ကႏချား တမျိုးခေါ် စတဲင်နိုင်းနဝ်းနဝ်း တဲ့းဗား "လိုးလျူးခွမ်းယင်း" နဝ်းသျှူ။ လိုးလျူးခွမ်းယပ်းယိုနဝ်း အကလးလျှဉ်အတွိုင်း ကအဝ်း အတိုုင်း ကျွိုက်တဝ်း (မဉ်းထွာလိုးကျောင်းတဲ့ ဝင်းကလူးအတွိုင်း ကျွိုက်တဝ်း (မဉ်းထွာလိုးကျောင်းတဲ့ ဝင်းကလူးအတွိုင်း ကျွိုက်တဝ်း) မဉ်လျှချားနိုင်းယို နိုင်းနဝ်း၊ မဉ်းထွာနိုင်းနဝ်းနဝ်း အနမ်း တဲ့ သႏချမ်းသားတဝ်း၊ ဝင်းကဖေး ကလူးသားတဲ့ သႏချမ်းသား တဝ်း၊ ပေါးသႏချမ်းသားတောင်း (ပေါးဒေါသယို အောဝ်းတံး)တဲ့ မေတ္တား တထွာနွောင်းတဝ်း နဝ်းသျှု ။

အဝ်ႏနိုင်းမဲ့င်ႏတဲ့ သွုံးဆောင်းတေ့တေ့ (ဝင်းလူးနိုင်းမဲ့င်းတဲ့ ထူးသွုံးဆောင်းတေ့တေ့)နှင် သႏချမ်းသားတဲင် မေတ္တားကအီး ထွာဗားတဲ့နှင်း၊ အကျင်းမျတ်လောင်းလင် ကအီးထွာဗားတဲ့နှင်း၊ ယိုးမားဟင်ငါးနှင်းသူ ။

(၉) "ဖေးကထွာဗား လိုးထားမားဆေးမ " ကရိုးနဝိ – ပေါးထားမားအာတဲ့ သႏအာ၊ သႏသျုတ်၊ အချိန်း အားထွုတ် တရားဆေ့၊ အချိန်းပွါမေတ္တားဆေ့၊ ထားမားမဉ်းဆေ့ မေ အားထွုတ်ဗားဟဝ်တရား၊ ပွါးဗားဟဝ်မေတ္တားတဲင် မေတ္တား တရား ဖေးကပွါးဗားအာအာ၊ မေတ္တား ယံဖေးကထွာသျှပ်ငါငါနဝ်း "ထားမား ဆေ့မေ" ချီးဖေးဗား စီးကန်းချက် နိုင်းနဝ်းသျှု ။

- (၁၀) "ဖေးကထွာဗား လိုးတခြုံးတလေင်းဆေ့" ကရိုးနဝ်း ပေါးတခြုံးတလေင်းအာတဲ့ သိမ်းဗားအာ၊ ထိန်းဗားအာ၊ နန်းဗားအာ၊ အချိန်းလို့အာ တခြုံးတလေင်း မဉ်းဆေ့နဝ်း သိမ်းဗား ဆေ့၊ ထိန်းဗားဆေ့၊ နန်းဗားဆေ့၊ အချိန်းလို့ဆေ့။ ကွပ်နဝ်းမေး ဗွေးလိုးကျောင်းသီးဖုံးတဲ့နဝ်း၊ လိုးလမ်းကထုမ်းမွေး တရားသားဖုံးတဲ့ နဝ်း ယံဖေးကအားထျွတ်ဗား အာအာတရား၊ ဖေးနေးကပ္ပါးဗား ကွိုင်းကွိုင်း မေတ္တားနဝ်းမဲ့ လိုးအွဉ်းဆေ့ဆေ့ တခြုံးတလင်း နဝ်းသျှ ။
- (၁၁) "ဖေးကထွာဗား လိုးက္ကန္ဒြေးစွူ ဟဝိမႏ" ကရိုးနဝိႏ ပေါးတထိန်းတဝ်း က္ကန္ဒြေးနဝိႏ လောဘထွာ၊ ဒေါသထွာအာ တဲင် မေတ္တားထွာဆေ့ ထိန်းက္ကန္ဒြေးတဲင် က္ကန္ဒြေးစွူဟဝိမႏ လောဘ ထွာဆေ့၊ ဒေါသထွာဆေ့၊ မေတ္တားထွာယိုး မေတ္တားထွာအာနဝ်ႏ သူ့။။
- (၁၂) "ဖေးကထွာဗား လို့ထားသူးသေ အဝ်းမွေးမ," ကရို့နဝ်,– ပေါးထုမ်းမွေး အဟဝ်အဒါးနဝ်, အဝ်းလိုးသေရီး အကျင်,မဲဠ်း

အကျင်းမား၊ ယိုနောဝ်းအမွေး ယိုနောဝ်းအမား၊ မဉ်းသူးသေမွေး စတဲင်နိုင်းနဝ်းမဲ့ ကရေးအတွိုင်း မော့အဟောဝ်အဒါး၊ မော့အဟဝ် အဒါးမဲ့ သုချမ်းသား၊ သုချမ်းသားနဝ်းမဲ့ မေတ္တားထွာယို (လူယိုး တရားထူး တရားမျတ်) နဝ်းသျှ ။

- (၁၃) ''ဖေးကထွာဗား လိုးကျုံးထံး လိုးရွိုင်းစွိုင်း မွေးတဝ်းမႏ'' ကရိုးနှင်း –
- လိုးကျုံးထံး လိုးရွိုင်းစွိုင်းယိုနှင်း ကဲဉ်းအာအာ လိုးဒေါသ တန်၊ လိုးထားသူးသေဆေ့၊ မေတ္တားသဘော်းနှင်း အယေန်းအငဲး အပနဲဉ်း အတဗ္ဗီးမျိုးချားတဲင် ပေါးကျုံးထံး ရွိုင်းရွိုင်းတဲ့ မေတ္တားတထွာ နွောင်းတင်း၊ ကျုံးထံးမွိုန်း ရွိုင်းစွိုင်းမွိုန်းနှင်းမႈ မေတ္တားထွာလနေဝ်း သူ။။
- (၁၄) " ဖေးကထွာဗား လို့အောဝ်းဝွို့တထဲ့တောဝ်း လို့လမ်း အလောင်းမဲ့ " ကရို့နှဝ်, – ပေါးထုမ်းမွေးတရာ့နောဝ်, မဉ်းထွာလို့လမ်းတဲ့ ပေါးသ

သံယောဇဉ်း အဝ်းတဉ်းပိုမာလောင်းနောဝ်, ထွာမွိုင်းချား ပေမတဏာႏ လောဘသမုဒယသစွားတဲင် ကအီးလ,ဗားတရာ,နဝ်, တယို,တဝ်း။

လိုကျောင်းတဲ့ သမဉ်းအဝ်းဝွို့ တထဲ့ လိုလမ်းလောင်းတဲ့ လယ်းခွို့တကားလမ်း၊ နန်းအာတကားတား၊ သရေးဒါးလာဘ် သပ္ပကားတဲင် သမေတ္တားစဲစ်စဲစ် ကအီးထွာဗားနဝ် တယိုတောင်း နောဝိႏသျှ ။ တောင်းခါး – အမိုင်(၁၅)နဝိႏ မဉ်းတျိုး "န စ ခုဒ္ဒ မာစရေကိဉ္စိ" ဂါးထားကိုသူ.မ. အီးဗွောင်နယ် နဝ်ႏသျှ ။

\* \* \* \* \* \* \*

(၅) န စ ခုဒ္ဒဲႛ မာစရေ ကိဥ္စိ ၊ ယေန ဝိညူ ပရေ ဥပဝဒေယျုံ ။ သုခိနော ခေမိနော ဟောန္ကျ ၊ သဗ္ဗသတ္တာ ဘဝန္ကု သုခိတတ္တာ ။

## (၅) အနက် –

ယေန – ကွပ်ထားမားအမျိုးမဲ့င်း တရိုးတဝ်း၊ ဝိညူ – ကထွာလွဒါးပညားသား၊ ပရေ – လိုးလင်ဖုံးနဝ်း၊ ဥပဝဒေယျုံ – စင်းကဲ့ႏရဲ့း သဲ့းသွမ်းအီဒါးသျှ ။

ခုဒ္ဒံ – ကယျွတ်ညံး၊ တံ – ထားတဟဝ်တဝ်း ဒုစရဲက်ယို နဝ်းနောဝ်း၊ ကိ၌ – တစူးတစ်းပေးငါတဲ့၊ န စ အာစရေ – ဟဝ် မားတဝ်း ဟဝ်ကျင်းတဝ်း ။

သဗ္ဗသတ္တာ – သတ္တဝါႏ ကားကအဝ်ႏဖုံးနဝ်,၊ ဟောနွှု – ယံထွာလွသွော့၊ သုခိနောဝါ – နမ်းထာ,ချမ်,သား အဝ်းဖုံးယင်၊ ခေမိနော ဝါ – ဘေးရန်းကင်းချူး ထားရောင်းချူး အဝ်းဖုံးယင်နော၊ ဘဝန္တု – ယံထွာလွသွော့၊ သုခိတတ္တာဝါ – သႏထားချမ်းသား အဝ်းဖုံးယင်နော။

### (၅) ပြန်းပအိုဝ်း –

လို လင်ပညားသားသီး ကကဲ့ ရဲ့ သဲ့ သွမ်းအီဒါး ကယျွတ် ညံး ထားတဟဝ်တဝ်း ဒုစရဲက်မျိုးဖုံးယိုနှင် တရူးတစ် ပေးငါတဲ့ တဟဝ်မားတဝ်း ။

သတ္တဝါးသီးဖုံး ကားကအဝ်းနဝ်, နမ်းတဲ့ရူးခွ, သ,တဲ့ ချမ့်သားလွသွော့နော၊ ဘေ,ရန်းကင်,ခြူး ရောင်းရှူးလွသွော့နော။

### (၅) န စ ခုဒ္ဒုိ မာစရေ ကိဥ္စိ ဂါးထားအဓိပ္ပါယ်ႏ

(၁၅) "ထာႏတဟဝ်တဝ်း ဒုစရဲက်မျိုးယို မားမွိုန်းတစီးစီးမႏ" ကရိုးနဝ်း –

ပေါးအဝ်းမားက ထားတဟဝ်တဝ်း ဒုစရဲက်မျိုးနှဝ်း ဝင်း ကဲ့ရဲ့ သဲ့သွမ်းဒါး၊ လိုးပညား တအဲဉ်ထဝ်းသား မဉ်းကဲ့ရဲ့သဲ့သွမ်း နှင်း တမွေးတမဲဉ်းကြို့တဝ်းတဲင် အရေးတပေါးတန်တဝ်း၊ ပညား သား (ပညာရှိ)သီးနှင်း အမွေးအမွေးအတွိုင်း၊ အမဲဉ်းအမဲဉ်းအတွိုင်း၊ ရော့အံးဖြားတဲ့ အံးဖြား၊ ရော့သဲ့သွမ်းတဲ့ သဲ့သွမ်းဒါးတဲင် အရေး တန်၊ ပညားသားသီး ကကဲ့ရဲ့သဲ့ခါး ထားတဟဝ်တဝ်း ဒုစရဲက်မျိုး ယိုနှင်း တစူးတစ်းပေးငါတဲ့ မားမွိုန်းမဲ့ သန္နေ သနျမ်းသား၊ သန္နေ သႏချမ်ႏသားမႏ မေတ္တားထွာယိုႏ (လးယိုးတရားထူး တရားမျတ်) နှဝ်ႏသျူ။

မေတ္တာ ပုဗ္ဗဘာဂ ပဋိပဒါ ၁၅–ပါ,အကို တဲႏစ "သက္ကော" ဗႋလွေ, "ကုလေသွ' န နုဂိဒ္ဓေါ"၁၄–ပါ, (တဲႏစအမဲုင် ၁ – ဗႋလွေ, အမဲုင် ၁၄)နဝ်, နေးထူးကျင်,သွုံးဗား ။ အဆဲုင်,သွတ်, "န စ ခုဒ္ဒ'မာစရေ ကိဉ္စိ" ၁–ပါ, (အမဲုင်–

၁၅)နှဝ်, သျောင်းဗား ကံဗားနောဝ်,သျှ ။

အင်္ဂါး အချက် ၁၅–ချက်ယိုအတွိုင် ပေါးထွာသျှုတဲ့ နွို့မာ လေ့ မေတ္တားဘားဝနားထာမာယို လ လဲဦးသျှုတ်င် ဟော် သျှပ် ဖေးဗား မေတ္တားပွါ ပွုံးပွါ နယ် (သုဒ်နောဝ ခေမိနော ဟောန္တျ – စတ်င်) နဝ် သျှု ။

### န စ ခုဒ္ဒ ဂါးထားကို ပါဠိယိုအလ<sub>ု</sub> မေတ္တားပွါ<sub>း</sub>ပွုံး အအဲဦးနောဝ်, –

- \* သဗ္ဗေ သတ္တာ သုခိနော ဟောန္တု ခွိုင်းကား သတ္တဝါးဖုံးနဝ်, နမ်းသ<sub>ိ</sub>ချမ်ဲ့သားလွသွော့နော။
- \* ခေမိနော ဟောန္တု ငိမ်ႇခွႇသားယားလွသွော့နော ။
- \* သုခိတတ္တာ ဟောန္တု သႏချမ်ႏသားလွသွော့နော ။ အဝ်ႏ ၃–ချက် သေဗာႏနိုင်းနဝ်ႏသျှ ။

## နီပအိုင်းထွုံ့ ဝေါဟာရအလ, –

- \* ခွိုင်းကား သတ္တဝါးဖုံးနဝ်, နမ်းချမ်,သားလွသွော့နော ။
- \* သႏချမ်ဲ့သားလွသွော့နော ။
- \* ငိမ်ႏွေးသားယားလွသွော့နော ။

ပါဠိ ပါတဝ်းတဲ့ယဝ်း၊ ရို့နီငေါဝ်းခြေင်ခြေင် နိုင်းနဝ် ငါတဲ့ လႏဒျားနဝ် သျူ ။

# ဆီငတ်ႏအင်္ဂါႏ မေတ္တားကဗျာ

\* တဆီငတ်ႏုစား – ခါးလားမေတ္တာႏ

ကျင်းရီးခါးဗား – အင်္ဂါးနောဝ်းရား

ဆီလစ်ႏပါႏရင်ႏ – လွောက်ႏကျင်းလွေးဗာႏ

တပါႏတာႏ – သျောင်းဗား ဆီငတ်ႏထွာ ။

\* သတ္တဝါးဖုံးယင် – လို့စင်တန်ပေး

နမ်းသႏနီဗား – ချမ်းသားသွော့ဝွေ,

ဘေ,ရန်းကင်,လ – ငိမ်,ခွ,ဟောဝ်သေး

ဟွိုန်ရက်ငါး – မေတ္တား ပသာလွေ, ။

\* \* \* \* \* \* \* \*

# (၃၆) မေတ္တားတရာ,

- (၆) ယေ ကေစိ ပါဏဘူတ'တ္ထိ ၊ တသာ ဝါ ထာဝရာ ဝ'နဝသေသာ ။ ဒီဃာ ဝါ ယေဝ မဟန္တာ ၊ မရွိမာ ရဿကာ အဏုက ထူလာ ။
- (၇) ဒိဋ္ဌာ ဝါ ယေဝ အဒိဋ္ဌာ ၊ ယေဝ ဒူရေ ဝသန္တိ အဝိဒူရေ ။ ဘူတာဝ သမ္ဘဝေသီဝ ၊ သဗ္ဗသတ္တာ ဘဝန္ဘု သုခိတတ္တာ ။

## (၆) အနက် –

တသာဝါ – သႏဝႏဒါးလွ ပုထုဇဉ်းသေကွ သီးဖုံးတဲ့နဝ်ႏ၊ ထာဝရာဝါ – သႏဝႏဒါးတဝ်း ဗွေးစဝ်းရဟန္တားသီးဖုံးတဲ့နဝ်ႏ၊ ဒီဃာ ဝါ – သတ္တဝါး အနမ်းဆွားဖုံးတဲ့နဝ်ႏ၊ မဟန္တာဝါ – သတ္တဝါးအနမ်း တန်ဖုံးတဲ့နဝ်ႏ၊ မရွိမာဝါ – သတ္တဝါး အနမ်းတလောင်းဖုံးတဲ့နဝ်ႏ၊ ရဿကာ ဝါ – သတ္တဝါး အနမ်းဒွေါင်းဖုံးတဲ့နဝ်ႏ၊ အဏုကာဝါ – သတ္တဝါး အနမ်းပေးဗဲ့စားဖုံးတဲ့နဝ်ႏ၊ ထူလာဝါ – သတ္တဝါး အနမ်း ပြွောင်း တဒ္ဓီးဖုံးတဲ့နဝ်ႏ။

## (၇) အနက် –

ဒိဋ္ဌာဝါ – သတ္တဝါႏ ကထီးဗားဖိုတဲ့နဝ် ၊ အဒိဋ္ဌာဝါ – သတ္တ

ဝါး တထီးဗားဖိုတင်းဖုံးတဲ့နှင် ၊ ဝသန္တိ ဒူရေဝါ – သတ္တဝါး ကအင်း ညာ ဖုံးတဲ့နှင် ၊ ဝသန္တိ အဝိဒူရေဝါ – သတ္တဝါး ကအဝ်းဗော့ ဖုံးတဲ့ နောင် ၊ ဘူတာဝါ – ဘဝကထျူသွတ် (ဒါး ရဟန္တားသီးဖုံးတဲ့နှင် ၊ သမ္ဘဝေသီဝါ – ဘဝတသာ ကထုမ်းငါလွ ပုထုဇဉ်း သေက္ခသီးဖုံး တဲ့နှင် ၊ ယေ – အမျို့မိုင် (တရို့တင်း၊ ယေ – အပါ မိုင် အဗားမိုင် တရို့တင်း၊ အနုဝသေသာ – လို့လို့စင်စင်၊ ယေ ကေစိ – ကားကအဝ်းဒါး၊ တေပါဏဘူတာ – ပုဂ္ဂိုလ်း သတ္တဝါးနှင် ဖုံးနှင် ၊ အတ္ထိ – သွံဆီတခမ်း ခင်းလမ်းကိုဌားန အဝ်းလွနှင် သျူ၊ (ဣမေ) သဗ္ဗသတ္တာ – သတ္တဝါး ကားကအဝ်းဖုံးယိုနှင် ၊ ဘဝန္တု – ယံဖေး ကထွာလွချားသွော့၊ သုခိ တတ္တာ – နမ်းချမ် သား သ ချမ် သားဖုံး နှင့် နော။

## ( ၆ + ၇ ) ပြန်းပအိုဝ်း –

သႏုဝႏဒါးလွ ပုထုဇဉ်းသေကွ သီးဖုံးတဲ့နဝ်,၊ သႏုဝႏဒါးတင်း ဗွေးစောင်းရဟန္တား သီးဖုံးတဲ့နဝ်,၊ သတ္တဝါး အနမ်းဆွားဖုံးတဲ့နောဝ်,၊ သတ္တဝါး အနမ်းတန်ဖုံးတဲ့နဝ်,၊ သတ္တဝါး အနမ်းတလောင်းဖုံးတဲ့နဝ်,၊ သတ္တဝါး အနမ်းဒွေါင်းဖုံးတဲ့နဝ်,၊ သတ္တဝါး အနမ်းပေးဗဲ့စားဖုံးတဲ့နဝ်,၊ သတ္တဝါး အနမ်းပြွောင်းတဒ္ဓီးဖုံးတဲ့နဝ်,၊ သတ္တဝါး ကထီးဖိုဖုံးတဲ့နဝ်,၊ သတ္တဝါး တထီးဖိုတဝ်းဖုံးတဲ့နဝ်,၊ သတ္တဝါး ကအဝ်းညားဖုံးတဲ့နဝ်,၊ သတ္တဝါး ကအဝ်းဗော့ဖုံးတဲ့နဝ်,၊ ဘဝကထျူသွတ်,ဒါး ရဟန္တားသီးဖုံး တဲ့နဝ်,၊ ဘဝတသာ ကထုမ်းငါလွ ပုထုဇဉ်း သေက္ခသီးဖုံးတဲ့နဝ်,၊ အမျိုးမဲ့င်ႏ တရိုးတင်း၊ အပါးမဲ့င်ႏ အဗားမဲ့င်းရိုးတင်း၊ လို့လို့စင်စင် ကားကအဝ်းယိုဖုံးနဝ်ႏ နမ်းတဲ့ချူးခွႏ သႏတဲ့ချမ်းသားလွသွော့နော။

## ( ၆ + ရ ) ယေ ကေစိ ဂါးထား တွမ်း ဒိဋ္ဌာဝါ ဂါးထား အဓိပ္ပါယ်း –

"ယေကေစိ" ဂါးထားတွမ်း "ဒိဋ္ဌာဝါယေဝ" ဂါးထားယို နီပုဒ်နဝ်, အွဉ်းနယ် ပွါ,မေတ္တားအလုဲင်းပွုံး နဝ်,သျှ ။

"ယေကေစိ ပါဏဘူတတ္ထိ – သတ္တဝါႏ ကားကအဝ်ႏ" ကရို့ဒါႏငဝ်းယိုနဝ်, စုခြဉ်းရုပ်ရပ်လို့ သတ္တဝါးဖုံး ကားကအဝ်ႏနဝ်,တဲင် ထွာခန်းငဝ်းဒေါ့,ယို,ယို, ငဝ်းရို့ချွေင်းဒေါင်း နဝ်,သူ ။

ယေကေစိ ပါဏဘူတတ္ထိ – ငဝ်းယို မဉ်းလွေးအွဉ်းသျှပ် ထျူစွဉ်း "သဗ္ဗသတ္တာ ဘဝန္တု သုခိတတ္တာ"နဝ်း "သတ္တဝါးဖုံး ကားက အဝ်ႏနဝ်ႏ နမ်းတဲ့ရျူးခွႏ သႏတဲ့ချမ်းသားလွသွော့နော" အဓိပ္ပါယ်း လႏနိုင်းနဝ်းသျူ ။

သဉ္တန္တီတိ သတ္တာ – ကွပ်မဉ်လ, တထဲ့ဒါႏ အားရွုံးငတ်,ပါ, တဲင် ဟဲ့လား "သတ္တဝါး"ကရို့ယိုအလ, ပေါးလောဘအင်းနေကနဝ်, လို,တဲ့ယဝ်း တိရစ္ဆာန်းတဲ့ယောဝ်း ထွာ"သတ္တဝါး"ဖုံးချားလွဉ်းလွဉ်း နဝ်,သျှ ။

"ပါဏဘူတာ – သတ္တဝါးဖုံးကရို့နှင်, အဝ်းနိုင်းယို" မဉ်း ဟော်,နယ် နိုင်းနှင်,တဲ့တရဝ်း၊ မဉ်းအွဉ်းနယ်ပါ ပွါ,မေတ္တားအလိုင်း နယ်ႏတဲ့တရဝ်း၊ သႏုအမျိုးယိုနှင်း အကျွိုက်ဒါး ပဉ်မျိုးမျိုး၊ အဝ်း တဉ်းယိုးဒါး ပဉ်ထွောင်းထွောင်းလောင်းတဲင် တထွောင်းထျူတ ထွောင်းအလောင်း သႏုဖေးနေး ကဗ္ဗို့တဉ်းငါငါလွေး ရေးမိုးနှင်းနှင်း တဲ့တရဝ်း၊ အမျိုးယို အမျိုးနှင်း ပါးယိုပါးနှင်း မဉ်းသေစဲင်း (အားရွံး မဉ်းစဲင်း) နှင်းနှင်းနှင်း သုလေးမွှို့ဟဝ်၊ သမင်းဗ္ဗို့ဟဝ်နှင် သမျှေယိုး (သမားဓိထွာယိုး)တဲင် သႏုဖေးနေးကစျူယို အားရွံုးစင်း တမျိုးမျိုး လောင်း ရေးမိုးနှင်းနှင်းတဲ့တာရင်းတဲင် နီဗွေးဘုရား ဟော်းသျှပ်ငါလွေး ဗား "ယေကေစိ ပါဏဘူတတ္ထိ၊ တသာဝါ" စတဲင် (၂–ဂါးထား) နှင်းသျှ ။

ပါဏဘူတတ္ထိ – ကို "ပါဏ" အလ, ထူး – ပဉ္စဝေါကာရ သတ္တဝါး (ခန္ဓာႏငတ်,ပါ,သား)၊

"ဘူတ" အလ, ထူး – ကေဝေါဟာရ သတ္တဝါး (ခန္ဓား တပါးသား) စတုဝေါကာရ သတ္တဝါး (ခန္ဓားလစ်ႏပါးသား) ယိုနဝ်ႏ အဋ္ဌကထားအလိုး ။

"တသာဝါ" အလ ထူး – ပုထုဇဉ်းပုဂ္ဂိုလ်းတွမ်း သေက္ခ ပုဂ္ဂိုလ်ႏသီးဖုံး။

> "ထာဝရာ" အလႇထူး – ရဟန္တားပုဂ္ဂိုလ်ႏသီးဖုံး။ "ဒီဃာ" အလႇထူး– ရူး နဂါႇ စတဲင် ခန္ဓားဆွာႇသားဖုံး။

"မဟန္တာ" အလ ထူး – ထတန်, ဆင်, လူ အသူးရား စတဲင်နမ်းခန္ဓားတန်သားဖုံး။

"မရွိမာ" အလ, ထူး – ဖိုး, ပနား, သေ စတဲင် နမ်းခန္ဓား တလောင့်သားဖုံး။

"ရဿကာ" အလ, ထူး – ဆျာ, ဝါး စတဲင် နမ်းခန္ဓားမွိုး ဒွေါင်းသားဖုံး။

"အဏုကာ" အလ, ထူး – တွမ်းပကတိမဲ့ တထီးနွောင်, တောဝ်း သတ္တဝါးပေးဗဲ့စားဖုံး၊ မွေးတဝ်းတဲ့ ကပေးလဲဦး မဟန္တာ၊ မရွိမာ၊ ထူလာ – ဖီးအွာ, တခြံ စတဲင် သတ္တဝါးအပေးဖြံစားဖုံး။

''ထူလာ'' အလ, ထူး– ထော့, ေကြ့, စတဲင် နမ်းခန္ဓာႏ ပြွောင်းတဒွီးသားဖုံး။

"ဘူတာ" အလ, ထူး – ရဟန္တားပုဂ္ဂိုလ်ႏသီးဖုံး (ထွာထျူ ဘဝယိုလျှမ်,၊ ထွာထဲင်း ကွိုတ်ထဲင်းတောင်းဒျှမ်)။

"သမ္ဘဝေသီ" အလ, ထူး – ပုထုဇဉ်းပုဂ္ဂိုလ်း တွမ်းသေက္ခ ပုဂ္ဂိုလ်းသီးဖုံးနောဝ်ႏသျှ။

တောင်းခါ, > ဒိဋ္ဌာ၊ အဒိဋ္ဌာ၊ ဒူရေ၊ အဝိဒူရေ အလ ဖုံး နဝိ, ထူးဗော့, အနက်အတွိုင် နဝ် သျူ ။

"ယေကစိ ပါဏဘူတတ္ထိ" ဂါးထားတွမ်း "ဒိဋ္ဌာဝါ ယေဝ အဒိဋ္ဌာ" ဂါးထားအတိုင် မဉ်းခွယ် ထန်း ပဉ်ဗားဗား မေတ္တားပွါ နယ် (ပါဠိဘားသား) နဝ်, သေဗားလယို အတွိုင် သျူ ။

(c)	တသာ	သဗ္ဗသတ္တာ	ဘဝန္ဟု	သုခ်ိတတ္တာ။
(J)	ထာဝရာ	II	II	II
(၃)	ဒီဃာ	II	II	II
(9)	ရဿကာ	II	II	II
(ე)	မဟန္တာ	II	II	II
(6)	အဏုကာ	II	II	II
(၇)	ထူလာ	II	II	II
(၈)	မၛၟိမာ	II	II	II
(ල)	ဒိဋ္ဌာ	II	II	II
(00)	<b>ශ</b> දූධි	II	II	II
(၁၁)	ဒူရေ ဝသန္တာ	II	II	II
	အ၀ိဒူရေ ဝသန္တ	၇ ။	II	II
(၁၃)	ဘူတာ	II	II	II
(၁၄)	သမ္ဘဝေသီ	II	II	II

	မဉ်းထွာ ပအိုဝ်းဘာ	ားသားနှင်, (	သေဗာႏ လယို အ	တွိုင်,သျူ၊
(c)	ကသႋဝႋဒါႏ၊ သဝွ	ဂ္ဂဝါႏ၊ ချမ်ႏှ	သားနမ်းသ, အဝ်ႏ	သွေ့နော။
<b>(</b> J)	သ,ဝ,တဝ်းဒါႏ	II	II	II
(5)	နမ်းကဆွာ <sub>ဇ</sub> ဒါႏ	II	II	II
(9)	နမ်းကဒွေါင်းဒါး	II	II	II
(ඉ)	နမ်းကတန်ဒါႏ	II	II	II
<b>(</b> 6)	နမ်းကပေးဒါႏ	II	II	II
(၇)	နမ်းကပြွောင်းဒါႏ	II	II	II
(၈)	တလောင်,ခန္ဓာႏ	II	II	II
( <sub>B</sub> )	ကထီးဖိုဒါႏ	II	II	II
(၁၀)	ထီးဖိုတဝ်းဗာႏ	II	II	II
(၁၁)	ကအဝ်ႏညာ,ဒါႏ	II	II	II
(၁၂)	ကအဝ်ႏော္မေဒါႏ	II	II	II
(၁၃)	ကွိုတ်ထဲင်းဒျား၊ မ	ရဟန္တာႏ၊ ခု	ျမ်ႂသာႏနမ်းသ,	
	အဝ်ႏသွော့နော။			
(၁၄)	အီးကွိုတ်ထဲင်းဗာႏ	၊ သတ္တဝါႏ	၊ ချမ်ဲ့သားနမ်းသ	ο,
	အဝ်ႏသွော့နော။			

၁၄ – မျိုးအကို မဉ်းမာ, ၂– မျိုးတွယ်,၊ ၃–မျိုးတွယ်, (ပါဠိဘားသား) နောဝ်, ထွာလွဉ် နဲုင်းလယိုသျှု။

- (၁) တသာဝါ ထာဝရာဝါ က္ကမေပိ သဗ္ဗသတ္တာ ဘဝန္ဟု သုခိတတ္တာ ။
- (၂) ဒိဋ္ဌာဝါ အဒိဋ္ဌာဝါ က္ကမေပိ သဗ္ဗသတ္တာ ဘဝန္ဟု သုခိတတ္တာ ။
- (၃) ဒူရေဝါ , အဝိဒူရေဝါ , ဝသန္တာ က္ကမေပိ သဗ္ဗသတ္တာ ဘဝန္ဟု သုခိတတ္တာ ။
- (၄) ဘူတာဝါ , သမ္ဘဝေသီဝါ က္ကမေပိ သဗ္ဗသတ္တာ ဘဝန္ဟု သုခိတတ္တာ ။
- (၅) ဒီဃာဝါ , ရဿကာဝါ , မရွိမာဝါ က္ကမေပိ သဗ္ဗသတ္တာ ဘဝန္ဟု သုခိတတ္တာ ။
- (၆) မဟန္တာဝါ , အဏုကာဝါ မရွိမာဝါ က္ကမေပိ သဗ္ဗသတ္တာ ဘဝန္ဟု သုခိတတ္တာ ။
- (ရ) ထူလာဝါ , အဏုကာဝါ , မရွိမာဝါ က္ကမေပိ သဗ္ဗသတ္တာ ဘဝန္ဟု သုခိတတ္တာ ။

## မဉ်းထွာပအိုဝ်းဘားနောဝ်, –

(၁) သ,ဝ,တဝ်းစား, သ,ဝ,စား – ခွိုင်းကားသတ္တဝါး၊ ယိုအတား၊ ချမ်ဲ့သားနမ်းသ, အောဝ်းသွော့နော။

### (၄၄) မေတ္တားတရား

- (၂) ထီးဖိုတဝ်းစား, ထီးဖိုစား ခွိုင်းကားသတ္တဝါႏ၊ ယိုအတား၊ ချမ်းသားနမ်းသ ့အောင်းသွော့နော။
- (၃) ကအဝ်ႏညာ,စား, အဝ်းော့,စား ခွိုင်းကားသတ္တဝါး၊ ယိုအတား၊ ချမ်ဲ့သားနမ်းသ, အောဝ်းသွော့နော။
- (၄) ကွိုတ်ထဲင်းတင်းစား ကွိုတ်ထဲင်းစား ခွိုင်းကားသတ္တဝါႏ၊ ယိုအတား၊ ချမ်းသားနမ်းသ ့ အောင်းသွော့နော။
- (ရ) နမ်းဆွာႏႇ ဒွေါင်းစား, ဝီးဝါးစား ခွိုင်းကားသတ္တဝါး၊ ယိုအတား၊ ချမ်ဲ့သားနမ်းသ ့ အောဝ်းသွော့နော။
- (၆) နမ်းပေး, တန်စား, တလောင်ႏစား ခွိုင်းကားသတ္တဝါး၊ ယိုအတား၊ ချမ်ႏသားနမ်းသႏ အောဝ်းသွော့နော။
- (၇) နမ်းပြွောင်း, ယွောင်စား, ဝီးဝါးစား ခွိုင်းကားသတ္တဝါး၊ ယိုအတား၊ ချမ်းသားနမ်းသ အောင်းသွော့နော။

#### ကဗျာ မေတ္တားအလုဲင်း

မငမ်း ငမ်းထား – ဒွေါင်း, ဆွာ, ခန္ဓာႏ ပြွောင်း, ပေး, တန်စား – ဝီးဝါး, နဝ်းရာ, ထီး, မထီး, ညာ, – ဗော့ရာ, ရဟန္တာႏ ကျွိုတ်ထဲင်းဗား – ချမ်းသား အဝ်းသွော့ဟာ ။

\* \* \* \* \* \* \* \*

(၈) န ပရော ပရံ နိကုဗ္ဗေထ ၊ နာတိ မညေထ ကတ္ထစိ န ကိပ္စိ ။ ဗျာရောသနာ ပဋိဃသည ၊ နာည မညဿ ဒုက္ခ'မိစ္ဆေယျ ။

## (၈) အနက် –

ပရော – ပါႏတဖြာႏနဝ်ႏ၊ နနိကုဗ္ဗေထ – ဖေးနေးကတွမ်း အံးလဲဉ်မွိုန်းသွော့၊ ပရံ – ပါႏတဖြားယိုနော၊ ကတ္ထစိ – အရပ်မဲုင်ႏ ကိုတဲ့ယင်း၊ နာတိ မညေထ – ဖေးနေးကတွမ်း သွင်းဖွီမွိုန်းသွော့။

နံ – လို့ဝင်းယို၊ ကိဉ္စိ – တဖြားဖြားနော၊ ဗျာရောသနာ (ဗျာရောသနာယ) – မားခတ်မှ ဒေါ့ခတ်မှ ထေဆတ်းနေးမာန်း တွမ်း နမ်းဖြောင်းဖေါက်ပြန်းမှ တရို့တင်း၊ ပဋိဃသည(ပဋိဃသညာ ယ) – သူလျားထေမာန်း တွမ်းသူဖေါက်ပြန်းမှ တရို့တောင်း၊ အညမညဿ – အချင်းချင်း (တဖြားတွမ်းတဖြား)၊ နက္ကစ္ဆေယျ– ဖေးနေးကမဉ်အွဉ်း မော့းမွိုန်းသွော့လို့ဝင်း၊ ဒုက္ခံ – ထားယူးပက်ယို နော ။

### (၈) ပြန်းပအိုဝ်း –

တဖြားတွမ်းတဖြား ဖေးနေးကတွမ်း အုံးလဲဉ်မွိုန်းသွော့လို့ ဝင်းနော၊ အရပ်မဲုင်းကိုတဲ့ယဝ်း ဖေးနေးကတွမ်းသွင်းဖွီမွိုန်းသွော့လို့ ဝင်း တဖြားတဖြားနော၊ မားခတ်း ဒေါ့ခတ်း ထေဆတ်းနေးမာန်း တွမ်း နမ်းဖြောင်းဖေါက်ပြန်းမှ တရို့တဝ်း၊ သုလျားထေမာန်း တွမ်းသုဖေါက်ပြန်းမှ တရို့တင်း၊ အချင်ချင် (တဖြားတွမ်းတဖြား) ဖေးနေး ကမဉ်အွဉ်းမော့ မွိုန်းသွော့လို့ ဝင် ထားယူးပက်၊ (ဖေးနေး ကတွမ်းနိတ်စက် မားဒုက္ခမွိုန်းသွော့လို့ ဝင်း)နော ။

## (၈) အဓိပ္ပါယ်ႏ –

"နမ်းသ, ချမ်,သားလွသွေ့နော" ကမဉ်အွဉ်းချမ်,သားနဝ်, တဲ့ မေတ္တားနေနေ၊ "ဖေးနေးကတွမ်းမော့,မွိုန်းသွော့ ထာ,ဒုက္ခနော" သ,ကမဉ်ဖေးမော့,တဝ်း ထာ,ဒုက္ခနဝ်,တဲ့ မေတ္တားတမျို့နေနေ၊ ကွပ်မဉ်အွဉ်းသေငါး မေတ္တားပွါ,ပွုံးယိုတဲင် နီဗွေးဘုရာ, ဟော်,သျှပ်ငါ တော "န ပရော ပရံ" တရာ,ယံယိုသျှ ။

တဖြားတွမ်းတဖြား မဉ်းအုံးလဲဉ်လို့ဝင်းနှင်း ကောကအုံးလဲဉ် သားတွမ်း ကောကခုံးဗားသားသူးနှင်း သႏုခိုးဗားလို့ဝင်း ။

တဖြားတွမ်းတဖြား မဉ်းသွင်းဖွီလို့ဝင်းနဝ်းတဲ့ ကသွင်းဖွီသား တွမ်း ကခံးဗားသားသူးနဝ်း သႏလျားဗားလို့ဝင်း ။

တဖြားတွမ်းတဖြား မဉ်းနိတ်စက် မဉ်းမားယူးပက် မဉ်းမား ဒုက္ခလို့ဝင်းနဝ်းတဲ့ ကောကမားသားတွမ်း ကခံးဗားသားသူးနောဝ်း သႏထန်းဗားလို့ဝင်း ။

တဖြားတွမ်းတဖြား သႏုခိုး သႏလျား သႏထန်းလို့ဝင်း နှင်းယိုနဝ်း နီဖဲ့ႏနီခေါဝ် အဖဲ့ႏမဲုင်းတဲ့ တဟဝ်တဝ်း၊ နမ်းတဲ့ယူးပက် သ,တဲ့ ဒုက္ခဒျား နိုင်းနိုင်းဝင်, ။

သႏဟဝ်ကအဝ်ႏဒါး မေတ္တားသားတစြာႏနဝ်ႏ မဲဉ်ဟွိုန်တဝ်း ဖြီးဖြီး မဲဉ်ထီးတဝ်းလားလား မဲဉ်ဖေးမားတဝ်းခဲုင်းနဝ်း တစ်ႏစီးနဝ်းမႏ "ဖေးနေးကတွမ်း အုံးလဲဉ်မွိုန်းသွော့လို့ဝင်းနော၊ ဖေးနေးကတွမ်း သွင်းဖွီမွိုန်းသွော့လို့ဝင်းနော၊ ဖေးနေးကတွမ်း မားယူးပက်မွိုန်းသွော့ လို့ဝင်းနော" နေးတွမ်းမေတ္တား ကော့မောင်းဖေးဗား (ပသာဖေးဗား မေတ္တား) နှင်းနဝ်းသျှ ။

ကွပ်သွိုန်းသ, တစ္စဉ်းတဝ်းတဲင် အံးလဲဉ်ဝင်,၊ ပွိုးတရက် တဝ်းဝင်,မ, အံးလဲဉ်ဝင်,၊ နုဝ်,မ, လို,သွိုန်းသ, တစ္စဉ်းတဝ်း၊ လို,အံႏ လဲဉ်ဒါးဝင်,နုဝ်, လို,သ,မေတ္တားအဲဉ်ထဝ်း ရို,ဗာႏနိုင်းနုဝ်, ။

လိုးသွင်းဇွီဒါးဝင်းနဝ်း လိုးမားနတန် လိုးသူဖြုံးထို ထိုးစား ယိုနဝ်းတဲ့ လိုးသူမေတ္တားအဲဉ်ထဝ်း ရိုးဗားနိုင်းနဝ်းနေနေ ။

လိုးကမားယူးပက် လိုးကနိတ်စက်ဝင်းနဝ်း လိုးဒေါသတန်၊ လိုးလောဘတန်၊ လိုးစားယိုနဝ်းတဲ့ လိုးသမေတ္တား ယိန်းအဲဉ်ထဝ်း ရိုးဗားနှင်းနဝ်းသူ ။

လို,သႏမေတ္တား တအဲဉ်ထဝ်း စားယိုဖုံးနဝ်း အုံညီ,တဟဝ် တဝ်း၊ အဟေ့တခွဲ့တဝ်း၊ ကေားကပေါင်းကျွက်း အုံညီ,သား မော့ လွဉ်းထဲင်းဒါး ထားခိုးလျား၊ ပေါင်းကျွက်းအုံညီ,ဗားဒျား လိုးဟဝ် လိုးဒါး လိုးမေတ္တားတန်တန်နဝ်းမှ ငိမ်းခွဲ့သားယားနဝ်းသျှ ။

## နိတ်စက်မွိုန်းလို့ဝင်, ကဗျာ

အံးလဲဉ်ပုံင်းဝင်း – အကျင်းဟောဝ်ဗား မာန်းချော့ ရိုးသေး – ထင်းပေးမွော့ပါ နိတ်စက်မွိုန်းဝင်း – လို ချင်းဖုံးချား

အျဉ်းမေတ္တား – သားယား ငိမ်နခွနအာ ။

\* \* \* \* \* \* \* \*

(၉) မာတာ ယထာ နိယံပုတ္တ ၊ မာယုသာ ဧကပုတ္တဲ့ မနုရက္ခေ ။ ဧဝမ္ပိ သဗ္ဗဘူတေသု ၊ မာနသံ ဘာဝယေ အပရိမာဏံ ။

#### (၉) အနက် –

နိယံပုတ္တံ – ကထွာပိုသွီးယား၊ ကေပုတ္တံ – တဖြားပေးချား ပိုယို၊ မာတာ – ကေးဇူးတန်သေး ထွာမွိုးဗွေးနဝ်း၊ အာယုသာ – လုဲင်း နေးစွဉ်းတွမ်းအသက်တဲင်၊ အနုရက္ခေယထာ – ဗွန်ပီနိုင်း ရက်စွမ်းပိုပေး နေးသေးသေးနဝ်းနေ၊ ဝေမွိ – ယိုတဲ့၊ သဗ္ဗဘူတေသု – သတ္တဝါးသီးဖုံး ကားကအဝ်းအလောင်း၊ အပရိမာဏံ – ခွိုင်းယိုမွော့ ကားနဝ်းသွော့ တအျဉ်းထွော့တဝ်း၊ မာနသံ – သမေတ္တားယို၊ ဘာဝယေ – ပွါးဗားဆင်းဆင်း အျဉ်းဒင်းဗားထွာထွာ တလီးတလျာ နဝ်းသျူ ။

## (၉) ပြန်းပအိုဝ်း –

ပိုသွီးယား အဝ်းတဖြားပေးချားတဲင် ကထွာအမွိုးဗွေးနဝ်း လုဲင်းနေးစွဉ်းတွမ်းအသက် ရက်ခွမ်းပိုပေး နေးသေးသေးနဝ်းသူ။

ယိုတဲ့ နိုင်းနဝ်,နေနေ၊ သတ္တဝါးသီးဖုံး ကားကအောဝ်း အလောင်းစွစ်ကြောင်းမေတ္တား ပွါ့ဗားဆင်းဆင်း အွဉ်းဒင်းဗားထွာ ထွာ တလီးတလျာနဝ်,သျူ ။

## (၉) အဓိပ္ပါယ်ႏ –

ပိုအလောင်းကအွဉ်းဒါး မွိုးမေတ္တားနှင့် အလွဉ်းလဲဉ်းစွဉ်းဝင်း တဲင် သတ္တဝါးသီးဖုံးအလောင်းတဲ့ အွဉ်းဗားမေတ္တား နိုင်းမွိုးကအွဉ်း ပိုလောင်းနှင့်အကျောင်း နီဗွေးဘုရား နယ်ထွဉ်းသေခါးတွမ်း "မာတာ ယထာ နိယံပုတ္တ" ဂါးထားယိုသျှ ။

"နိယံပုတ္တ" ကရို နဝ်, ပိုသွီးယား၊ ပိုသွီးယားနဝ်, မွိုးရက် လဲဉ်းက ပိုလျူးတဲင် နီဗွေးဘုရာ, ဟော်,သော့,မို့မို့ပါ "နိယံပုတ္တ" ငေါဝ်းထူ, ဝိသေသန ပေးယိုသျှ ။

"ကေပုတ္တ" ကရို နဝ်, ပိုအဝ်းတဖြာ ပေးဒျားစွို့ စွို့ ၊ မွိုးပို မဉ်းအာဖြာ နဝ်, အဖြာ ယိုတဲ့ရက် အဖြာ နဝ်,တဲ့ရက်တဲင် မွိုးရက်ပို တကားမဲုင်, ၊ အွဉ်းမေတ္တားပိုလောင်း တကားမဲုင်, ကရို နဝ်, တပေါး စဲင်းငါးတဝ်း ။

မွိုးယို ပိုအဝ်ႏတဖြာ,ပေးချားရွို့,ရွို့,တဲင် ရက်ခရားတဲ့ အင်း

ယိုပေးလျှမ်း၊ အွမ်းခရားတဲ့ အဝ်းယိုပေးလျှမ်း၊ ထွားခရားတဲ့ အဝ်း ယိုပေးလျှမ်းတွော့ ကထွာမွိုးဗွေး ရက်မွေးမဲုင်းစွဉ်း၊ မွိုးမေတ္တား ကားကအဝ်းနဝ် အဝ်းဒင်းပျွမ်းပမ်းစွဉ်းလို့စွဉ်း ပိုတဖြားလောင်း နဝ် သူ။ ။

ကွပ်နဝ်,မ, မွိုးပိုအဝ်းတဖြာ, အမေတ္တားနဝ်, စဲင်းစဲ့လဲဉ်းက မွိုးပိုအာမေတ္တားတဲင် နီဗွေးဘုရာ, ဟော်,မို့မို့ပါ "ဧကပုတ္တ" ငေါဝ်း ထူ, ဝိသေသန ယိုယင်နဝ်,သျူ ။

"အာယုသာ အနုရက္ခေ" ကရိုနှင်, – လုံင်းစွဉ်းတွမ်းသက် ရက်ခွမ်းပိုပေး နေးတသေးသေး အဓိပ္ပါယ်း လႏနိုင်းနှင်းသွူ ။

ပိုအဝ်းတဖြားပေးချားစွို့စွို့လဲင် ကထွာအမွိုးဗွေးနှင့် ငမ်း မွေးစွဉ်း ပိုပေးမော့ေထားယူးပက်၊ ငမ်းမွေးစွဉ်း အပိုပေး သက်ဆွား တဝ်းတွော့ ခွမ်းဟဝ်မွေးစွဉ်း၊ ထွားဟဝ်မွေးစွဉ်း၊ နေးဟဝ်မွေးစွဉ်း၊ ပို ရက်ယိုတဖြား သက်ဆွားချမ်းသားငါမန်းထျူ ခွေသီဗားလုဲင်းထား တဲ့ယဝ်း၊ ခံးလုဲင်းစွဉ်းအသက် ရက်ပိုတကားနှင့် အကျောင်း မဉ် အွဉ်းတောင်းသေးငါးနှင်းမေး "အာယုသာ" ဟော်းသော့းပါနိုင်းနှင်း

ပိုအတွက်ယိုနှင့် "အာယုသာ"တွမ်း သက်တန် မဉ်းပလိန့် ခံးလိုင်းနွောင်းဟ နဲ့းကွို့ စူခင်းအင်္ဂါး သွီးယား တမျိုးမျိုး တခြိုး တလေင်းထဲင်းဟ မဉ်ကိုင်ကိုင် မဉ်ထို့တို့ မဉ်လို့လို့ မဉ်ယွမ်းယွမ်း ပိုအတွက် လျူးခွမ်းျား ကရိုးဒါး အဓိပ္ပါယ်းနောင်းတဲ့ "အာယုသာ" ငဝ်းယိုတင္ပါ အွဉ်းသေလွေးပါဒျားနှဝ်းသူ ။

"မာနသံ" အလႏ– ထူးဗာႏ "သႏ မေတ္တာႏ" နဝ်ႏသျှ။ ဘာဝယေ "ပွါႏ" ကရိုႏနဝ်ႏ – "သႏ မေတ္တားယို ပုနပ္ပုနံ ဇနယေ – မားထွာဗာႏ ခူးလိမ်ႏခူးပြန်း၊ ပုနပ္ပုနံ ဝခုယေ – မားအာ ဗားတလီးလျာ" အဋကထား ဗွောင်နယ်နှင်းနဝ်းသျှ ။

အပရိမာဏံ – ကရိုနုဝို "အဖြားယို အဖြားနုဝို့၊ အမျိုးယို အမျိုးနုဝို့၊ အကျိုးယို အကျိုးနုဝို့ ခန်းခါး အွဉ်းထွော့ခါး နိုင်းနောဝို့ တအဲဉ်ထဝ်း" အဓိပ္ပါယ်း လႉနိုင်းနုဝို့သျှ ။

"ခန်းခါ,အွဉ်းတွေ့ခါ," ကရို့နှင့် – ရက်ဒျားပါ,ယို (မေတ္တား တွိုးဒျားပါ,ယို)လျှမ်,၊ ရက်ဒျားနီလို့မျို့လျှမ်,၊ လို့မျို့လင့်နှင့်, ရက် တင်း၊ မဉ်းထွာ နိုင်းနှင့်နှင့်, ဟဲ့, "ပရိမာဏံ – အခန့်, အထွေ့အင်း" နှင့်သျူ ။

ရက်ယင်ဟန်း ရက်တဝ်းယင်ဟန်းယိုနဝ် မေတ္တားတတွိုး စွစ်ႏတဝ်း၊ ရက်လို့လို့ (မေတ္တားတွိုးလို့လို့) တွမ်းရက်တခီးတခဝ် (မေတ္တားတွိုး တခီးတခဝ်) ယိုနီမျိုးနဝ် ရက်လို့လို့နဝ် ဟဝ်၊ ရက် တခီးတခဝ်နဝ် ပေါးဟဝ်တဝ်းတဲင် သမေတ္တားယိုနဝ် ဖြေ့စွစ် စွစ် သွော့ အွဉ်းခန်း အွဉ်းထွော့မွိုန်း လိုးဒေါ့ နဲုင်းနဝ် သျှ ။

တဖြားရက် တဖြားစင်း၊ တဖြားသညင်း တဖြားလွဲးထီး တွမ်းရိုးမွိုန်း –

ငကသ္မိ (ဝါ) သတ္တေ အနဝသေသဖရဏဝသေန အပရိ–

မာဏံ (မေတ္တာယျံ မာနသံ) ဘာဝယေ ။ (သုတ္တနိပါတဋ–၁၈၈)

ကေသို့ သတ္တေ – သတ္တဝါး တဖြာ,အလောင်း၊ အနဝသေ သဖရဏဝသေန – တထွောင်းမအဝ်းကိုင် နေးတွမ်း ထာ,ဖြေ့,လို့ တဲင်၊ အပရိမာဏံ – အခန်းအထွော့အဲဉ်ထဝ်း၊ မေတ္တာချံ –မေတ္တား ကရို,ဒါး၊ မာနသံ – သ,ကို၊ ဘာဝယေ – ပွါ,ဗာႏဆင်းဆင်း အွဉ်းဒင်းဗားထွာထွာ တလီးတလျာ နဝ်,သူ ။

"သတ္တဝါးတဖြာ, အလောင်းငါမဉ်းတဲ့ တထွောင်းထွောင်း အွဉ်းကိုင်မွိုန်း၊ အခန်းအထွော့အွဉ်းမွိုန်း၊ နမ်းတဗားလုမ်း အွဉ်းကုမ်း မေတ္တား၊ ဖြေ့ဗားလီလီ၊ ကီလထွေစေး" အဋ္ဌကထား ဗွောင်နယ် ဖေးနှဲင်းနဝ်,သူ ။

''နမ်းတဗာႏလုမ်း'' ကရိုးနောဝ်, –

ဥပမား ပါ(တဖြာ,နဝ်, ရို,– "နာ,ခူးဗား တီးပေါက်ငါတဲ့ မွေးလဲဉ်းချား၊ ခင်းဖါးနဝ်, ထုမ်းဗားတဝ်းတဲ့ယဝ်း၊ လွေ,ဗော့,နဲုင်းနဝ်," ပထမတဖြာ,နဝ်, အရို,နဲုင်းနဝ်, ။

ဒုတိယတဖြာ,နဝ်, – "ယွော့ တီးပေါက် ခူးဟုဲင်း၊ ဟွော့ ခင်းဖါး – ထုမ်းဟုဲင်း" အရို<del>့န</del>ှင်းနဝ်, ။

တတိယတဖြားနှင်း – "ခူးတီးပေါက်ယိုလိုင်း၊ ကႏဆင်းယို လိုင်း၊ ထုမ်းခင်းဖါးယိုလိုင်း" အရိုး<del>န</del>ဲင်းနှင်း ။

စတုတ္ထတဖြားနဝ်း – "ခူးတီးပေါက်၊ ကႏဆဲင်း၊ ကွဉ်ကွဉ်း၊ ထုမ်းခင်းဖါးယိုဟုဲင်း" အရိုးနှင်းနဝ်း ။ လို ဝင်လစ် ယို သႏကိုမေတ္တားအလ ကခြိုင်းဒါးပါ တြာ နှင့် ပထမတြာ နှင့် ပထမတြာ နှင့် ခြိုင်းဖေးချား အကတူးလျှမ် ၊ နမ်းတဗားစွစ် တင်း၊ ဒုတိယတြားတဲ့ ခြိုင်းဖေးအကတူးတွမ်း ခင်းလျှမ် ၊ တတိယ တြားတဲ့ ခြိုင်းဖေးချား အကတူး ဟို တွမ်းခင်းလျှမ် ၊ နမ်းတဗား စွစ် လို့တဝ်းတဲင် "အနဝသေသ ဖရဏဝသေန"မွေးတဝ်း အခန်း အထွော့အဝ်းတဲင် "အပရိမာဏံ" မွေးတောဝ်း ။

သ,မေတ္တားယိုနဝ်, – အွဉ်းမွိုန်း အခန်းအတွော့၊ အွဉ်းမွိုန်း အကျို့အခဝ်၊ ဖြေ့လီလီ ပသာတိုးတိုး၊ အွဉ်းဒင်းလွေ, စွစ်,စွစ်,ဗာႏ အကျောင်, ဖေးနေးကသေနားတဲင် ဥပမားနယ်ဗာႏ နှင်းယိုသျှ ။

မာတာ ယထာ နိယံပုတ္တ – တရားယိုတပုဒ် အဓိပ္ပါယ်ႏ အချုတ်နှင်, "ခွိုင်းကားတဲင် သတ္တဝါး ကားကအဝ်းဖုံးယိုနှင်, ရက်ဗာႏ သေးသေး ပီနဲုင်းမွိုးကရက် ပိုပေးနှင့်နော " အဓိပ္ပါယ်ႏ ရို့နဲုင်းနှင်, သူ့။။

### ထွားနိုင်းသွော့ မွိုးမေတ္တား ကဗျာ

\* နဲုင်းမွိုးရက်ပို – သႏကို ဗွန်ချား
 သတ္တဝါးတန်ပေး – ငွေးနေးအာဖြာႏ
 ယိုမွော့နဝ်းမွော့ – အွဉ်းထွော့ချမ်ချား
 ရက်လို့ချား – ချမ်းသား ယံကထွာ ။

(၁၀) မေတ္တဥ္မွ သဗ္ဗလောကသ္မိ ၊ မာနသံ ဘာဝယေ အပရိမာဏံ ။ ဥဒ္ဒံ အဓော စ တိရိယဥ္ ၊ အသမ္မာဓံ အဝေရႛ မသမတ္တံ ။

#### (၁၀) အနက် –

ဥဒ္ခံစ – အရန်းကီလောက အရှပဘဝကိုတဲ့နဝ်,၊ အဓော စ – အရန်းလလောက ကာမဘဝကိုတဲ့နဝ်,၊ တိရိယံစ – အရန်း ထဝ ရှပလောကကိုတဲ့နဝ်,၊ သဗ္ဗလောကသို့ – လောကကားက အဝ်းအကို၊ အသမ္ဗာစံ – မေတ္တားခင်းလမ်း ဖေးနေးကတွမ်းအဲဦး နွောင်,မွိုန်းဒျမ်ယို၊ (တနယ်, – အသမ္ဗာစံ – ခွိုးဘွုုံးလောက ဘဝဖွစ်,ဖဲစ်, ဖေးနေး မေတ္တားကတွိုးစွစ်,စဲစ်,လို့ယို) အဝေရံ–သ, လျားသ,ထန်း ဒေါသရန်းနမ်းကို ဖေးနေးကထွာသော့,လမ္ပိုန်းဒျမ်ယို၊ အတ္တံ – ကောလွ,ထီးဆော့,မဲ့ ရန်းအထန်းဖဲ့,တဲ့ ဖေးနေးကတွမ်း အင်းနွောင်,မွိုန်းဒျမ်ယို၊ ဘာဝယေ – ခွို့ချို့ယွိုင်,ယွိုင်, သျှပ်ဆွိုင်,ငါငါ အွဉ်းထွာတလီး တလျာသွော့၊ အပရိမာဏံ – အခန်း အထွော့ အဉ်ထဝ်း၊ မာနသံမေတ္တံ – သ,မေတ္တားယိုနော ။

### (၁၀) ပြန်းပအိုဝ်း –

မေတ္တား ဖေးနေး ကတ္ဂိုးစွစ်,စဲစ်,လွေ,လို့ အပါယ်ႏခမ်း လို,ခမ်း လူ,ခမ်း ဗြဟ္မာႏခမ်းဖုံး အကိုတဲ့နဝ်,၊ သ,လျား သ,ထန်ႏ ဖေးနေး ကတွမ်းအဝ်းလမြိုန်းချွမ် တလဲင်းလဲင်းတဲ့နှင်၊ ကောလွမ်း သား ဖြားဆားတန်ပေး ယံဖေးကတွမ်းအဝ်းမြိုန်းချွမ် တဖြားဖြားတဲ့ နှင်း၊ ခွိုးခွိုးယွိုင်းယွိုင်း သျှပ်ဆွိုင်းငါငါ အွဉ်းထွာသေးသေးလွေး သွော့ သမေတ္တားယိုနော ။

#### (၁၀) အဓိပ္ပါယ်ႏ

"ဥင္ခံ"အလ – ထူးဗား အရူပ (ဗြဟ္မားဘုံး) "အဓော"အလ – ထူးဗား ကာမ(အပါယ်း–လူ،လို,ဘုံး) "တိရိယံ"အလ – ထူးဗား ရူပ (ဗြဟ္မားဘုံး) "အသမ္ဗာဓံ"ကရို,နဝ်, "ခင်းလမ်းဖေးနေး ကတွမ်းအဲဦးမွိုန်း တဝ်း" အဓိပ္ပါယ်း လ,နဲုင်းနဝ်,သူ ။

ခါးလားမေတ္တားအား ကတလာ၊ ခါးလားသမားဓိ ကထွာ၊ ခါးလားသႏကစျူနှင်, မေတ္တားတစွစ်းနွောင်းလို့တင်း စွုမ်းဖြားဖြား၊ စွုမ်းရပ်ရပ်၊ စွုမ်းခမ်းခမ်း၊ စွုမ်းဘွုံးဘွုံး၊ မေတ္တားကတွိုးလွေးနွောင်း အရပ်နှင်း ဆေ့းပေး၊ အဲဦးပေးလျွမ်း၊ ယိုနှင်းနှင်း ဟဲ့ "သမ္မာဓံ–

ခင်ႏလမ်းအဲဦႏ' နှင််ထျူ။

မေတ္တားအား ကထင်းတလာ၊ သမားဓိ ကထင်းထွာ၊ သႏကထင်းစျူမွေးနဝ်, သႏမေတ္တားယို အွဉ်းစုလေွးမဲုင်းကို (သႏယူး လွေးမဲုင်းကို)တဲ့ တွိုးလို့၊ ဖြောင်လို့၊ စွစ်းနွောင်းလို့ စျမ်းဖြားဖြား အလောင်း၊ စျမ်းရပ်ရပ်၊ စျမ်းခမ်းခမ်း၊ စျမ်းဘွုံးဘွုံးကိုတဲင် ထွာ "အသမ္မာဓံ – ခင်းလမ်းအဲဉ်းတဝ်း" နဝ်းသျှု။ မဉ်းဒေါ့ ကႏယို ယို နဝိ မေတ္တားဖေးနေး ကစွစ် လို့ စွဉ်းနိုင်း နဝိ (ဖေးနေးကတွိုးစွဉ်းအရန်းနဝ်) နဝိ ပွါ ကျပ်ကျပ်သွော့မေတ္တား၊ အဝ်းလိုးရို နိုင်းနဝ် သူ ။

"အဝေရံ" ကရိုႏနဝ်ႏ – "ရန်းအဲဉ်ထဝ်း" အဓိပ္ပါယ်းလႏ နှင်းနဝ်ႏသျှု ။

"ရန်း"ကရိုနဝိ – မေတ္တားရန်း၊ ဒေါသနမ်းကို နဝ် သျူ။ အဝ်းပွါမေတ္တားတွင် လေားလွေများလ ထားသများ ခရားတဲင် ဒေါသထွာ၊ ပေါးဒေါသထွာတဲ့ မေတ္တားထွာလုံင်းတင်းချမ်၊ ယိုနဝ် နဝ် ဟဲ့ "ဝေရ – ရန်းသူးနမ်းကိုအဝ်း" ။

ကထင်းပွါ,ခွို,ခွို, မေတ္တား၊ ကထင်းပွါ့အာအာ မေတ္တားတဲင် သႏစ္ဗူလွဉ် (သမားဓိ အားတလာလွဉ်)တွော့, သႏမေတ္တားအဝ်းထွာ ချား တလီးတလျာ၊ ဒေါသထွာသော့ ဖိုင်းတဝ်း၊ ယိုနဝ်, ဟဲ့ "အဝေ ရ – ရန်းသူးနမ်းကိုအဲဉ်ထဝ်း" ရို့နှင်းနဝ်,သူ ။

မဉ်ႏဒေ့ါ့ ဗားယိုးယိုနှင့် သမားစိ ဖေးနေးကလ ၊ ဒေါသဖေး နေး ကတွမ်းအဝ်းလ မျိန်းဒျှမ်၊ သ ့ဖေးနေး ကလျားဒါးမြိုန်းဒျှမ်ထာ နှင့် (ဖေးနေးကတ္ပိုးလ စွဉ်း အရန်းနှင့် နှင့်) ပွါ့သျှပ်ငါငါ၊ အွဉ်းထွာ လွေ့သေးသေးဗား မေတ္တား၊ ရက်သေးသေးလွေ့ ဗား သတ္တဝါးသီး ဖုံး အဝ်းလိုးရို့ နှင်းနှင့်သျှ ။

"အသပတ္တံ" ကရိုနဝို – "ရန်းသူးအထန်း အဲဉ်ထဝ်း" အဓိပ္ပါယ်ႏလ, နဲုင်းနဝ်ိုသျှ ။ "ရန်းသူးအထန်း"ကရိုနဝိ ကောလွႉထီးသား၊ ကော ဆော့ မဲ့သား၊ ကောသ လျားသား၊ ကောမဉ်ယားသား စတဲင် စားနဝိ ဖုံးသျှု။

ပေါးနီတအွဉ်းတဝ်း မေတ္တားဝင်းလောင်းတဲ့ နီလောင်းတဲ့ ဝင်းတအွဉ်းတဝ်းမေတ္တား၊ (ပေါးနီတရက်တဝ်းဝင်းတဲ့ ဝင်းတရက် တဝ်းနီ) နဝ်းသူ ။

လိုးကပွါးမေတ္တား လိုးကရက်ဒါးဝင်းနဝ်း လိုးဖုံးတဲ့ရက်, လူးဖုံးတဲ့ရက်ဝွေး၊ ကွပ်လိုးရက် လူးရက်နိုင်းနဝ်းတဲင် ဝွေးနဝ်းနဝ်း ကောလွဲးထီးသား၊ ကောဆော့းမဲ့သား၊ ကောသးလျားသား၊ ကော မဉ်ယားသား စတဲင် ရန်းသူးအထန်းနိုင်းနဝ်း အဲဉ်ထဝ်း၊ နောဝ်းနဝ်း ဟဲ့း "အသပတ္တံ – ရန်းသူးအထန်းအဲဉ်ထဝ်း" နဝ်းသျှ ။

"မဉ်ႏဒေါ့ မားယို ယို နှင့် ကောလွ ထီးသား အဲဉ်ထင်းဖြီးဖြီး၊ ကောလွ ထီးသား အဲဉ်ထင်းတဖြားဖြား၊ ဖေးနေးကလဲင် ထွာစွဉ်းနိုင်း နှင့် (ဖေးကတ္မိုးလ စွဉ်း အရန်းနှင့်)နှင့် ကျို့စား ပွါ့လွေ့သေးသေး သွော့ မေတ္တား" အဝ်းလိုးရို့ နိုင်းနှင့်သျူ ။

### မေတ္တားတွိုးစွစ်ံ့လို့ ကဗျာ

\* ခွိုင်းကားလောက – ဘဝသွံဗား ကအဝ်းအုံဒါး – သတ္တဝါးအာဖြာ, ချမ်ဲ့သားယံထွာ – ပသာမေတ္တား အကို , ထန်း – ကင်းရန်း ရက်သားအာ ။ (၁၁) တိဋံ စရံ နိသိန္နောဝ ၊ သယာနော ယာဝတာ'ဿ ဝိတမိဒ္ဓေါ ။ တော် သတိ' အဓိဋ္ဌေယျ ၊ ဗြဟ္မ'မေတံ ဝိဟာရ' မိေ မာဟု ။

### (၁၁) အနက် –

ယာဝတာ – အချိန်းမဲုင်းတရိုးတင်း၊ အဿ – ထွာချား၊ ဝိဂတမိဒ္ဒေါ – တခေင်းတင်းထား၊ တာဝတာ – အချိန်းနှင်းတချိန်း လုမ်းလုမ်း၊ တိဋံဝါ – အင်းအုံထွိုင်းတွင်း တရိုးတင်း၊ စရံဝါ – အင်းလွေးတွင်း တရိုးတင်း၊ နိသိန္ဓောဝါ – အင်းအုံလင်းတွင်းတရိုး တင်း၊ သယာနောဝါ – အင်းဗေင်းတလွှားတွင်း တရိုးတင်း၊ ဇတံ သတိ – ယူးလမေတ္တား သတိုးတဗားယိုနှင်း၊ အဓိဋ္ဌေယျ– ဟင် ဆိုးတယ်း တဉ်းတဉ်းခါးချားသျူ ။

က္ကဝ – သားသနားတေား အကိုယို၊ ဇတံ – ထာ,အုံတွမ်း မေတ္တား နဲုင်းနဝ်,နဝ်,၊ ဝိဟာရံ – ထွာထာ,အုံ၊ ဗြဟ္မံ – ထူ,မျတ်၊ ဗုဒ္ဓါ – နီဗွေးဘုရာ,သီးဖုံးနဝ်,၊ အာဟု – ဟော်,ခါ,လွ နဲုင်းနဝ်,သျှု။

### (၁၁) ပြန်းပအိုဝ်း –

တလုမဉ်ဗေင်းတဝ်းချိန်းထား တချိန်းလုမ်းလုမ်းကိုနောဝ်း အဝ်းအုံထွိုင်းတွင်း တရို့တဝ်း၊ အဝ်းလွေးတွင်း တရို့တဝ်း၊ အဝ်းအုံ လင်းတွင်း တရို့တဝ်း၊ အဝ်းဗေင်းတလွားတွင်း တရို့တဝ်း၊ အျဉ်း သတို့ဟဝ်ဟဝ် အုံသွော့တွမ်းမေတ္တားနော ။ သားသနားတေားအကိုယို ထားအုံတွမ်း မေတ္တားနိုင်းနဝ်း ထွာထားအုံမျတ်၊ နီဗွေးဘုရားသီး ဟော်ခါလွ နိုင်းနဝ်းသျှ ။

### (၁၁) အဓိပ္ပါယ်ႏ

တိဋံ – အုံထွိုင်း ၊

စရံ – လွေ, ၊

နိသိန္ဓော – အုံလင်, ၊

သယာနော – ဗေင်း (တလွား) ၊ ယိုလစ်းပါႏနဝ်ႏ ဟဲ့ "ဣရိယားပုထ် လစ်းပါး"နဝ်းသူ ။

ပွါမေတ္တားတရားယိုနောဝ်, –

ယာဝတာ'ဿ ဝိဂတမိဒ္ဓေါ – တခေင်နတင်းထာန ခါးလား

ကမဉ်ဗေင်းထာ, တချိန်းလှမ်းလှမ်းနှဝ်, ။

တိဋံဝါ ဇတံ သတိ အဓိဋေယျ – အဝ်းအုံထွိုင်းတွင်းတဲ့ အွဉ်းသတိႏဟဝ်ဟဝ် ပွါးမေတ္တား လႏဒျား၊ ဟဝ်ပွါးချား၊ ပသာသွော့ မေတ္တားနော ။

စရံဝါ ဇတံ သတိ အဓိဋ္ဌေယျ – အောဝ်းလွေ,တွင်,တဲ့ အွဉ်းသတိ,ဟဝ်ဟဝ် ပွါ,မေတ္တား လ,ဒျား၊ ဟဝ်ပွါ,ဒျား၊ ပသာသွော့ မေတ္တားနော ။

နိသိန္နောဝါ ဇတံ သတိ အဓိဋ္ဌေယျ – အင်းအုံလင်းတွင်းတဲ့ အွဉ်းသတိႏဟဝ်ဟဝ် ပွါးမေတ္တား လႏဒျား၊ ဟဝ်ပွါးချား၊ ပသာသွော့ မေတ္တားနော ။ သယာနောဝါ ဇတံ သတိ အဓိဋ္ဌေယျ – အဝ်ႏဗေင်ႏ တလွာႏတွင်ႏတဲ့ အွဉ်းသတိႏဟဝ်ဟဝ် ပွါးမေတ္တား လႏဒျား၊ ဟဝ်ပွါး ဒျား၊ ပသာသွော့ မေတ္တားနော ။

လင်္ကား \* ထိုုင်း လွေ, အုံလင်, ဗေင်းတွင်,ချိန်းခါး ပွါ,မေတ္တား ၊ ဒါးဒျား တောင်,တောင်,နော။

ငတံ ဝိဟာရံ – အဝ်ႏတွမ်းမေတ္တားစုံစုံ၊ အုံတွမ်းမေတ္တားခွ, ခွ, နှဲင်းနဝ်,နဝ်, ။

အာဟုဗြဟ္မံ – ဗွေးဘုရားသီး ဟဲ့ ထားအုံမျတ်နှင်းသွူ။ "ဗြဟ္မ – မျတ်"ကရိုးနှင်း အုံအဝ်းတွမ်း မေတ္တားတရားနှင်း အပဲစ်ကင်းညားဟဝ်ငါးတဲင် "ဗြဟ္မံ – မျတ်" ရိုးဗားနိုင်းနှင်းသွူ။ အုံအဝ်းတွမ်း လောဘာ, ဒေါသ, မောဟာ, မာန စတဲင် နိုင်းနှင်းဖုံးနှင်း အပဲစ်တကင်းတင်းတဲင် "အဗြဟ္မ ဝိဟာရ– ထားအုံ မျတ်တဝ်း" ရိုးဗားနိုင်းနှင်းသူ။ ။

## "အုံတွမ်းမေတ္တား မျတ်ဟဝ်ငါး" ကဗျာ

ထွိုင်ႏႇလွေ့, ဗေင်း, လင်း – အတွင် ချိန်းခါး အဦးသတိဒျား – မေတ္တားထွာပွါႏ နှင်းနှင် အဝ်းအုံ – ခွ စုံဟောဝ်ငါး

ထားအုံမျတ် – သႏဓာတ် စင်ကြောင်းဗွာ ။

\* \* \* \* \* \* \* \*

(၁၂) ဒိဋ္ဌိဥ္ဂ အနုပဂ္ဂမ္မ ၊ သီလဝါ ဒဿနေန သမ္ပန္ဒော ။ ကာမေသု ဝိနေယျ ဂေဇံ ၊ န ဟိ ဇာတု'ဂ္ဂဗ္ဘသေယျ ပုနုရေတိ ။

# (၁၂) အနက် –

သော – မေတ္တားသား ပုဂ္ဂိုလ်းနောဝ်,၊ ဒိဋ္ဌိဥ – ထားယူး မား (အတ္တဒိဋ္ဌိ)ယိတဲ့၊ အနုပဂ္ဂမ္မ – တတ္ပိုးစပ်တင်းဒျမ်တဲင်၊ သီလ ဝါ – လောကုတ္တရားသီးလတဲ့ အဝ်းတွော့၊ သမ္ပန္ဆော ဒဿနေန – ဗွေကုမ်း တွမ်းမင်္ဂဘဏ်းနဝ်းမျ ကာမေသု – ဝတ္ထုအားရွုံး ကာမ ဂွုဏ်းဖုံး အလောင်း၊ ဂေဓံ – ထားမက်တထဲ့ လောဘဖဲ့ ယို၊ ဝိနေယျ – ပယ်းကြောင်းထို ထျူခါ၊ ပုန – ဆုင် ချာတလဲင်း၊ န တေိ – တအီးတွိုးဗားဒျှမ်၊ ဂဗ္ဘသေယုံ – အုံထဲင်းသန္ဓေး မွိုးဗွေး ဟို့ကိုသူ,၊ ဇာတု – ဒျားရင် သူ့။၊

### (၁၂) ပြန်းပဆိုဝ်း –

မေတ္တားသား ပုဂ္ဂိုလ်ႏနဝ်,နဝ်, ထာ,ယူးမား(အတ္တဒိဋိ)အဲဉ် ထင်းဒွုမ်၊ လောကုတ္တရာ သီးလအဝ်းတဲင် လမင်္ဂြာဏ်ႏနောဝ်,မမှ ဝတ္ထုအားရုံး ကာမဂျွဏ်းဖုံးအလောင်း ပယ်းကြောင်းထို စွဉ်း ထာမက် တထဲ့လောဘဖဲ့ထျူခါ ဆိုင်ချာတကုံ သဲင်အုံဗားတင်းဒွုမ် သန္ဓေး မွိုးဗွေးဟို့ ကိုသူ ချားရင်, နဝ်,သူ။

#### (၁၂) အဓိပ္ပါယ်ႏ

မေတ္တားသားနှင့် မေတ္တားသမထဘားဝနားယို မာ,စွဉ်းချား အခင်းကန် (အခေးခံး)ထျူတင် အားထျွတ်တရာ, မာ,သျှပ်ထင်း တော ဝိပဿနားတွော့, လ,မင်္ဂလ,ဖိုလ်း၊ ထာ,ဗွိုးလောဘ ပယ်းလို့ လ,စွဉ်းနှင့်မ, ထန်းလ,ဝဋ်မေး အုံဗားဒျှမ်သနွေးနှင့်သျှူ။

နီဗွေးဘုရားနဝ်း ဟော်းနယ်မေတ္တား ဘားဝနား (မေတ္တားပွါး ပွုံးပွါးနယ်း)ထျူတဲင် ထွဉ်းစပ်းလွေးတော ဝိပဿနား ဘားဝနား၊ မားပါ ဝိပဿနားမေး ထားယူးမား (အတ္တဒိဋ္ဌိ/သက္ကာယဒိဋ္ဌိ)စင်ထိုး၊ ထားယူးမား စင်ထိုးမေး လေးမင်္ဂဉာဏ်း၊ လူမင်္ဂဉာဏ်းမေး ခြစ်းထန်း ထိုးလ လောဘတဏား သမုဒယသစ္စား လို့ထိုးမေး ထန်းလုဝဋ်မေး အုံဗားဒျှမ်သန္ဓေး၊ အုံဗားဒျှမ်သန္ဓေးမေး ဖြားဗားဒျှမ်၊ ဆာဗားဒျှမ်၊ သီဗားဒျှမ်၊ လေးသုခ စဲစ်မန်း၊ နိုဗ္ဗာန်းချမ်းသားနှင်းသူ။။

ကွပ်နဝ်,မ, မေတ္တားဘားဝနားယိုတဲ့ ကျို,စာ,ပွါ,သွော့၊ အဝ်းမေတ္တား ဘားဝနားယို စပ်,လွေ,တောသွော့ ဝိပဿနား ဘား ဝနား၊ ဖေးနေးကလ,နွောင်,စွဉ်း အရဟတ္တမဂ်ဖိုလ်း၊ ဖေးကတ္ပိုး နွောင်,စွဉ်း ရဟန္တားအရန်း၊ ဖေးကလွစ်အုံခန်း သန္ဓေးနဝ်, ကျို,စာ, မွေးမွေးသွော့ အကျောင်, အဆိုင်,သွတ်,အနေး နယ်ထွဉ်းဖေးတွမ်း "ဒိဋ္ဌိဥ္စ အနုပဂ္ဂမ္မ" တရာ,ယို တပွုတ်နဝ်,သွူ။

## "လွစ်သန္မေး ဝဋ်မေးဖေ့" ကဗျာ

\* အဝ်ႏမေတ္တားစပ် – ဝိပဿနား

ယူးမားစင်လ – လောဘကင်,ညာ,

မဂ်ဖိုလ်ႏလႉပါ – သျှပ်ထွာ ရဟန္တာႏ

လွစ်သန္မေး – ဝဋ်မေး ဖေ့ထွူငါ ။

\* နီဖုံးယိုလဲ့ – စဲင်းစဲ့ဟဝ်ယူႏ

လောဘထွို့ ငင်း – ဆင်းဆင်းထွာစူ

ကွိုတ်ဖြားဆာသီ – မဲ့ထီလင်,ဟူႏ

ကျို့မွေးခန်း – ဝဋ်စန်း ယံလို့တျူ ။

#### မေတ္တား ၄–ပါ,

၁။ အဝေရာ ဟောန္တု – ဘေႏရန်ႏဒုက္ခ ကင်ႏလွသွော့နော။

၂။ အဗျာပစ္ဇာ ဟောန္တု – သႋထာႋဒုက္ခ ကင်ႋလွသွော့ေနာ။

၃။ အနီဃာ ဟောန္တု – နမ်းထာႏဒုက္ခ ကင်ႏလွသွော့နော။

၄။ သုခ်ီအတ္တာနံ ပရိဟရန္တျ – ချမ်ႏသားသမ်းထွာ လျူးနမ်း ဗွာသွော့နော။

#### အနောဓိသပုဂ္ဂိုလ်ႏ ၅–မျို့

၁။ သဗ္ဗေ သတ္တာ – သတ္တဝါး ကားကအဝ်းဖုံးနှဝ်, –

၂။ သဗ္ဗေ ပါဏာ – သတ္တဝါႏ သႏသား ကားကအဝ်ႏဖုံးနဝ်ႏ–

၃။ သဗ္ဗေ ဘူတာ – ခန္ဓာႏစိင်းသား ကားကအဝ်ႏဖုံးနဝ်, –

၄။ သဗ္ဗေ ပုဂ္ဂလာ – ပုဂ္ဂိုလ်ႏ ကားကအဝ်ႏဖုံးနဝ်ႏ – ၅။ သဗ္ဗေ အတ္တာဘဝ ပရိယာပန္နာ – ခန္ဓာႏနမ်းသား ကားက အဝ်ႏဖုံးနဝ်ႏ – "အနောဓိသ" ကရိုနဝ်ႏ – တဗက်ႏနေးတဝ်း ပါးယိုပါးနဝ်ႏ နဝ်ႏ ဟဲ့ႏ " အနောဓိသ " နဝ်းသူ ။

### ဩဓိသ ပုဂ္ဂိုလ်ႏ ၇–မျို့

၁။ သဗ္ဗာ ဣတ္ထိယော – ခွိုင်းကား အမူးဖုံးနဝ်, –

၂။ သဗ္ဗေ ပုရိသာ – ခွိုင်းကား အခိုဖုံးနှဝ်, –

၃။ သဗ္ဗေ အရိယာ – ခွိုင်းကား အရိယားပုဂ္ဂိုလ်းဖုံးနဝ်, –

၄။ သဗ္ဗေ အနုရိယာ – ခွိုင်းကား ပုထုဇဉ်းပုဂ္ဂိုလ်းဖုံးနှင်, –

၅။ သဗ္ဗေ ဒေဝါ – ခွိုင်းကား လူ, ဗျဟ္မားဖုံးနှဝ်, –

၆။ သဗ္ဗေ မနုဿာ – ခွိုင်းကားလိုႏဖုံးနဝ်ႏ –

၇။ သဗ္ဗေ ဝိနိပါတိကာ – ခွိုင်းကား အပါယ်ႏဘုံးသားဖုံးနဝ်, – (ငါးရှင်,၊ တိရစ္ဆာန်ႏ၊ ပိတ္တား၊ အသူးရကာယ်ႏ၊ အပါယ်ႏ လစ်,ဘုံးသား)

"ဩဓိသ"ကရို့နောဝ်, – ဗက်ႏနေး ပါးယိုပါးနဝ်းနဝ်း ဟဲ့ႏ "ဩဓိသ" နဝ်းသူ ။ အနောဓိသ ၅–မျို့၊ ဩဓိသ ၇–မျို့၊ စုစုခြဉ်း ပုဂ္ဂိုလ်းထွာ–

၁၂–မျိုး၊ တမျိုးမျိုးနှင်, အှဉ်းတွယ်းစင်ဖေးဗားတွမ်း မေတ္တား ၄– မျိုး (သွေးနော – လစ်းလဲင်း) ။

#### ဥပမာႏ

၁။ သဗ္ဗေ သတ္တာ – အဝေရာ ဟောန္တု ၊ အဗျာပဇ္ဇာ ဟောန္တု ၊ အနီဃာ ဟောန္တု ၊ သုခ်ီအတ္တာနံ ပရိဟရန္တ ။

၁။ သတ္တား ကားကအဝ်းဖုံးနဝ်, – ဘေရန်းဒုက္ခ ကင်,လွသွော့နော ၊ သႇထာ,ဒုက္ခ ကင်,လွသွော့နော ၊ နမ်းထာ,ဒုက္ခ ကင်,လွသွော့နော ၊ ချမ်,သားသမ်းထွာ လျူးနမ်းဗွာသွော့နော ။

( တောင်းသေး > အဝ်းကိုင် အလင်တဲ့ အွဉ်းတွယ်းဖေးဗား "သွော့နော"၄ – လဲင်း နှင်းနဝ်းသျှ။)

ထွာအနယ်, ၄၈–နယ်,၊ အနောဓိသ၊ ဩဓိသပုဂ္ဂိုလ်ႏ ၁၂–မျို့ကိုနဝ်, တမျို့တမျို့ ပွါ့မေတ္တား ၄–မျို့ ၄–မျို့တဲင် (၁၂× ၄) ထွာမေတ္တားနယ်, = ၄၈–နယ်, နဝ့်သျူ။

#### အရပ် ဖုံ့(၁၀) ပွါ့အီမေတ္ထား

၁။ ပုရတ္ထိမာယ ဒိသာယ – ကအုံဒါႏ ဆႏကျွဉ်ႏဖဲ့ ၊

၂။ ပုရတ္ထိမာယ အနုဒိသာယ – ကအုံဒါႏ ဆႂကွဉ်ႏနဝ်ဖဲ့ ၊

၃။ ဒက္ခိဏာယ ဒိသာယ – ကအုံဒါႏ ဆႏနဝ်ဖဲ့ ၊

၄။ ဒက္ခိဏာယ အနုဒိသာယ – ကအုံဒါး ဆုတ္ပို့နဝ်ဖဲ့ ၊

၅။ ပစ္ဆိမာယ ဒိသာယ – ကအုံဒါႏ ဆႏတ္ဂို့ဖဲ့ ၊

၆။ ပစ္ဆိမာယ အနုဒိသာယ – ကအုံဒါႏ ဆႏုတ္ငို့ ထင်းဖဲ့ ၊

၇။ ဥတ္တရာယ ဒိသာယ – ကအုံဒါး ဆႏထင်ႏွဲ့ ၊

၈။ ဥတ္တရာယ အနုဒိသာယ – ကအုံဒါး ဆႏကျဉ်းထင်ႏဖဲ့ ၊

၉။ ဥပရိမာယ ဒိသာယ – ကအုံဒါႏ ဆႏကီဖဲ့, ၊

၁ဝ။ ဟေဠိမာယ ဒိသာယ – ကအုံဒါး ဆႏလႏဖဲ့ ။

ထူးမေတ္တား ၄–ပါ,၊ အနောဓိသ၊ ဩဓိသပုဂ္ဂိုလ်း တွမ်း အဖွဲ့တဆီယို အွဉ်းတွယ်းဗားယင်းလို့ဝင်,နဝ်,သျူ။

#### ဉပမာႏ

၁။ ပုရတ္ထိမာယ ဒိသာယ –

သဗ္ဗေ သတ္တာ

အဝေရာ ဟောန္တျ ၊

အဗျာပဇ္ဇာ ဟောန္ဟု ၊

အနီဃာ ဟောန္တျ ၊

သုခ်ီအတ္တာနံ ပရိဟရန္ဘု ။

၁။ ကအုံဒါး ဆႏကျဉ်းဖဲ့

သတ္တဝါး ကားကအဝ်းဖုံးနှဝ်,–

ဘေ,ရန်ႏဒုက္ခ ကင်,လွသွော့နော ၊

သႋ့ထာႋဒုက္ခ ကင်ႋလွသွော့နော ၊

နမ်းထာႏဒုက္ခ ကင်ႏလွသွော့နော ၊

ချမ်ႏသားသမ်းထွာ လျူးနမ်းဗွာသွော့နော။

အောဝ်းကိုင်အလင်တဲ့ အွဉ်းတွယ်,လွေ,ဗား နိုင်းယိုတဲင် (၄x၁၂=၄၈ ၊ ၄၈x၁ဝ=၄၈ဝ) ၄၈ – အလဲင်းတဆီ၊ ထွာ ၄၈ဝ– နဝ်ႏသူ။

အထျ, ၄၈–တွမ်း ၄၈ဝ–ယို မဉ်းအွဉ်းစုခြဉ်းနဝ်, ထွာခန်း မေတ္တား (၅၂၈) နဝ်,သူ။

မေတ္တားပေါင်, အဝ်း (၅၂၈)မွေးတဝ်း၊ ပွါ,မေတ္တား အနယ်, ပေါင်, အဝ်း (၅၂၈) နှဲင်းနဝ်,ဒျားသူ။

တောင်းခါ ( ) မေတ္တား ပွါ,နယ်,ယိုအတွိုင်း ပွါ,ပါဠိ နေးတဲ့လ ၊ ပွါ,နေး နိုငင်း နီဘားသား တဲ့လ ျား မဉ်းတဲမ်းနယ်လို့ လို့ တဲ့ အာငါး၊ အီးသွဉ်နယ်ဖေးချား ဗဟိုးသွဉ်တန် နေနေတဲင် ယိုနှင် တဲမ်းနယ်ဥပမား တဗား တဗား လျှမ်း၊ မီးမဉ်သေအလုံင်းတဲ့ ရီသွော့ ဝင်,ကသေနားသားနှင် နော။

\* \* \* \* \* \* \* \*

# ငေါဝ်းရီလျှု,ခန်,

- ၁။ မေတ္တား အဓိပ္ပါယ်ႏနဝ်, ကျုံးစဲးတဲမ်းဖေးထျွူတဲင်၊ မေတ္တား တရာ,နမ်းနမ်းနောဝ်, ထူးဗား ပရမတ္ထတရာ, အပါ,မဲ့င်, ဟောင်း။
- ၂။ မေတ္တား ၃–မျို့နဝ်, တဲမ်းနယ်ထျူတဲင်၊ အစတမျို့ ကထွာ ပွုံးနောဝ်, သျင်,နယ်ဖေးမွိုင် တွမ်းတဖြားမွိုးဗွေး ကမားဖေး ပိုအတွက်နဝ်းမွိုင်။
- ၃။ တဲမ်းနယ် "ပရိတ်" အဓိပ္ပါယ်ႏနဝ်းထျူတဲင်၊ ပရိတ်ကော နားအင်္ဂါး ၃–ပါးနဝ်းတဲ့ တဲမ်းနယ်ဖေးနေး ကဗျာမွိုင်။
- ၄။ မေတ္တားအကျို့ ၁၁–မျို့နှင့် တဲမ်းနယ်ဖေးလို့လို့မွိုင်။
- ၅။ မေတ္တာ ပုဗ္ဗဘာဂ ပဋိပဒါ = (ခါးလားမေတ္တား ကျင် ရီးဗား) ၁၅–ပါ, အကို အထျ, ၅–ပါ နဝ်, တဲမ်းဖေး ပါဠိတွမ်း ပအိုဝ်း နီဘားသားလိုင်း။

- ၆။ သဗ္ဗေ သတ္တာ သုခိေနာ ဟောန္တု ၊ ခေမိေနာ ဟောန္တု ၊ သုခိတတ္တာ ဟောန္တု ၊ ငေါဝ်းပါဠိယို ပြန်းပအိုဝ်ႏေဖႏမွိုင်။
- ၇။ မာတာ ယထာ နိယံပုတ္တ ဂါးထားယိုတပ္ပုတ်နောဝ်, ပြန်းပအိုဝ်းဖေးမွိုင်။
- ၈။ မေတ္တဥ္မွ သဗ္ဗလောကသ္မိ ဂါးထားကို ကပါသော့ ဒါး (က) ဥဒ္ဒံ (ခ) အဓောစ (ဂ) တိရိယဥ္ (ဃ) အဝေရ (င) အသပတ္တ – အလ ဖုံးနောဝ်, တဲမ်းနယ်လို့လို့မွိုင်။
- ၉။ အုံအောဝ်းတွမ်း မေတ္တားနဝ်, ဟဲ့,ဗား ထာ,အုံအမျို့မှင်, ထောက်နယ်ပါ ပါဠိနော။
- ၁ဝ။ မေတ္တား ၄–ပါ,နောဝ်, ပါဠိတွမ်း ပအိုဝ်း ထေနယ်ဖေး နီဘားသားမွိုင်။

\* \* \* \* \*

# ငေါဝ်းရီ အဖြေႏ

၁။ ကွပ်ပွိုးရက်ပဲင် ဒါးနောဝ် မ ဟဲ့ ဗား "မေတ္တား" နဝ် သျှု၊ မေတ္တားတရာ နမ်းနမ်းနဝ် ထူးဗား "အဒေါသ" (စေတ သိက်) နဝ် သျူ။

၂။ မေတ္တာႏ ၃–မျို့

၁။ ကာယကမ်ႏ မေတ္တား (နမ်းမေတ္တား)

၂။ ဝစီးကမ်း မေတ္တား (ဖြောင်းမေတ္တား)

၃။ မနော်ႏကမ်း မေတ္တား (သႏမေတ္တား)

တယ်ႏွာဦး ကအုံသန္ဒေး၊ မွိုးဗွေးဆင်အီ၊ ခံးသီစွဉ်,သက်၊ ပိုရက်လျူးလင်,၊ ယွော့ဖင်,လွမ်ဗီ၊ နွမ်,တရီဆီးအေး၊ မွိုးဗွေးမဒေါ့,၊ သော့,တွေစူထွား၊ အွဉ်းနဲဉ်းဗား ဖေးအံး၊ မွိုးဗွေး ကခံးယပ်,စတဲင် နှင်းနဝ်,ဖုံးနဝ်, – ထွာ "ကာယကမ်း မေတ္တား" ဖုံးချားနဝ်,သျူ ။

၃။ အရဲး'အဖွေါင်ႏႛ အဆေင်း (အကားအကွယ်း) အဓိပ္ပါယ်ႏ လ<del>ႏနို</del>င်းနဝ်ႏသျှူ။

ကေားနားလို့သား – ငတ်ႂစားကင်ႂဗာႏ

မိစ္ဆားမျိုးတွေး – လွစ်မွေးလာႏလာႏ

ပရိတ်တံႏို့ – ယျွမ်းယိုႏကျိုးချား

ကေားကနား – အင်္ဂါး ယိုသွံပါ, ။

```
ဗေင်းဗာႏ ချမ်ို့ချမ်ို့သားသား ၊
ÇII
         မဲ့သေဗာႏ ချမ်ႂချမ်ႂသားသား ၊
     JII
     ၃။ ဗေင်းမင်း တကိုင်တဝ်းထာ, ၊
     ၄။ လို့သီးတဲ့ရက် ၊
         လူ သီးတဲ့ရက် ၊
     ၅။
     ၆။
         လူ သီး အဝ်းကုမ်းဖေး ၊
         မေး, အဈူး, လက်နက်, ခွေါင်းနွောင်,တဝ်း ၊
     ၇။
     ၈။ သႏတဲ့စျူယို, ၊
         မဲ့ငါဗန်တသေး ၊
     ၉။
    ၁ဝ။ သီလိန်းလျှမ်းဗားတဝ်းထာ, ၊
          သီထျူ တွိုးထင်းဗား ဗြဟ္မာႏခမ်း ။
      သက္တောစ အဿ – ဖေးကထွာဗား လိုမာ,နွောင်,မ, ၊
ရှ။
      ဥဇူစ အဿ – ဖေးကထွာဗား လိုးစွို့ စွဉ်းမ ၊
      သုဟုဇူစ အဿ – ဖေးကထွာဗား လိုႏစ္မို့ႏစ္ဦးမွေးမ,၊
      သုဝစောစ အဿ – ဖေးကထွာဗား လို နားငဝ်းမ ၊
      မုဒုစ အဿ – ဖေးကထွားဗား လို ပန်ဦးတဗွီးမဲ ။
ြေ။
      သဗ္ဗေ သတ္တာ သုခိေနာ ေဟာန္တု – ခွိုင်းကား သတ္တဝါးဖုံး
```

နှဝ်, နမ်းသ,ချမ်,သားလွသွော့နော ၊

ခေမိနော ဟောန္တု – ငိမ်ႏွေးသားယားလွသွော့နော ၊ သုခိတတ္တာ ဟောန္တု – သႏချမ်းသားလွသွော့နော ။ (റ്വ)

မေတ္တားတရာ

၇။ ပိုသွီးယား အဝ်းတဖြားပေးချားတဲင် ကထွာအမွိုးဗွေးနဝ်း လုဲင်းနေးစွဉ်း တွမ်းသက် ရက်ခွမ်းပိုပေး နေးတသေးသေး နဝ်းသျှ။

ယိုတဲ့ နိုင်းနဝ် နေနေ၊ သတ္တဝါးသီး ကားကအဝ်းအလောင်း စွစ်ကြောင်းမေတ္တား၊ ပွါ မာင်းဆင် ဆင်း အွဉ်းဒင်းဗားထွာထွာတလီး တလျာနဝ် သျူ။

- ၈။ (က) ဥဒ္ဒံ အရူပ (ဗျဟ္မား)ဘုံး ၊
  - (၁) အဓော ကာမ (အပါယ်ႏ၊ လူ ၊ လို ၊)ဘုံး ၊
  - (ဂ) တိရိယဥ္ ရူပ (ဗျဟ္မာႏ)ဘုံး ၊
  - (ဃ) အဝေရ ရန်းသူးနမ်းကို ဒေါသ ၊
  - ( c ) အသပတ္တ ရန်းသူးအထန်း ကောလွႉထီးသား စတဲင်စားနဝ် ဖုံးသျှု။
- ၉။ အုံးအဝ်းတွမ်း မေတ္တားနဝ်, ဟဲ့မား ထာ,အုံမျတ်နဝ်,သျူ။ ပါဠိထောက် = ဗြဟ္မ မေတံ ဝိဟာရ မိဓမာဟု ။
- ၁၀။ အဝေရာ ဟောန္တျ ဘေႏရန်းဒုက္ခ ကင်းလွသွော့နော၊ အဗျာပဇ္ဇာ ဟောန္တျ – သႏထာႏဒုက္ခ ကင်းလွသွော့နော၊ အနီဃာ ဟောန္တု – နမ်းထာႏဒုက္ခ ကင်းလွသွော့နော၊ သုခီ အတ္တာနံ ပရိဟရန္တျ – ချမ်းသားသမ်းထွာ လျူးနမ်းဗွာ သွော့နော။

\* \* \* \* \* \* \* \*

# ငေါင်းရဲပ်နိဂုံး

လောကကိုယို ထားမားအမျိုး ကမားချမ်းသားဝင်း၊ ထား မား အမျိုးကမားငိမ်းခွဲး သားယားဝင်းဖုံးနှင်း ထားမားအမျိုးမဲ့င်းတဲ့ ယောင်း ထွဲးတဝ်းမေတ္တားယို မေတ္တားယိုမဲး အဟဝ်သွတ်း၊ အတွိုး ခြောင်းသွတ်းနှင်းသူ။

ဖေးကထွာလ, ဘုရာ,နဝ်,တဲ့ နေးထူးလွေ,ဗား မေတ္တား ပါးရမီး၊ ထွာသျူဘုရာ,တဲ့ ကလယ်းကယ်းချွစ်ဒါး နာဠာဂိရိဆင်၊ အင်္ဂလိမာလ ဗကဗြဟ္မား စတဲင်နဝ်,ဖုံးတဲ့ နေးနေးဒျား မေတ္တားတရာ, ဟော်,ကျာ, ချ,နားဖေႏနဝ်,သျူ။

ငွေးနေးယျ သတ္တဝါးသီးဖုံးတဲ့ ကွပ်အုံကျူးဗား နီဗွေးဘုရား မေတ္တားတေားအဟေ့ တဲင် ချူးသျူးခွ ခဲ့ ယံယဲ့ သားယား လလွ ထားချမ်းသား အာတန်နှင််သူ။။

ကွပ်ပွိုးနုဝ်,မ, နီနမ်း ဝင်,တား ယံကလ,လွ ထားချမ်,သား၊ ယံကလ,လွ သားယားမှ ငိမ်,ခွ ရေးနုဝ် ပွါ,လွေ,သွော့မေတ္တား၊ တဖြားတွမ်းတဖြား ရက်ရက်သွော့လို့ဝင်း၊ နေးတွမ်းမေတ္တားသွီးတင် စွီးသွော့လို့ဝင် စု၊ ပေါးနေးနေး မေတ္တားမား၊ ပေါးနေးနေး မေတ္တား အောင်းမျင်းဗားချားရင် ၊ ရောင်းမျူးခွာခဲ့ ယံယံ့သားယားဗားချားရင် ၊ ဝိပဿနားခွင်း နွို့ထင်း မဉ်းကျိုးစားသျှပ်ငါထဲင်းနုဝ် အွဉ်းသဝ် နွောင် လောဘ၊ ဝေါင်းချ ့ခန္ဓား ထွာရဟန္တားထွူခါ လႏတငါစွဉ်း နိဗ္ဗာန်းနုဝ် သျှု။

ယံကထွာလႇစ္ပဉ်ႏ နှဲင်းနောဝိႇနဝိႇ ကျိုုးစာႇလွသွော့နော၊ နမ်းသႇချမ်ႇချမ်ႇသားသား ယံကကျိုုးစာႇနွောင်ႇဒျားသွော့ ပငါပရာႇ နော။

# ငေါဝ်းမေတ္တာႏ ကဗျာ

\* ရက်သွော့ လို့ဝင်း – ဘေးကင်း ချမ်းသား နေးသွော့ မေတ္တား – ယံငါး ဟောဝ်ထား

ကျိုု့စာ, ယံထပ် – ဝိပဿနား

ရဟန္ဘာႏ – သေချာႏ ယံကထွာ ။

\* ကထင်း သွဉ်တန်, – ရဟန်, သံဃား

ခိုမူး လို,လမ်း – သ,နမ်း နီပါ,

စွုမ်းနီ, စွုမ်းဟာ – ယံထွာ ချမ်းသား

ထွာဆရာႏ – မေတ္တာႏ ယောင်းပသာ ။

\* ယိုခါ သွဉ်တန်, – ရဟန်, သံဃာႏ

ခိုမူး သေဗာႏ – မေတ္တား တရာႏ

တယ်ႏၷၟၣႜ႞ ယိုခါ – သွုံးငါလွေးဗား

နမ်း တွမ်း သ, – ရောင်းခွ, သွော့နောဟာ ။

စင်ႏတန် – သီးသဲင်း နေင်း ၁၃၅၃ – ဗား၊ ဒဲဉ်သီးလာဗွေ ။